



江湖長翁文集目錄

宋高郵陳

造唐卿撰

明海鹽王廷俊君英校

三十五卷

墓誌銘

臧子與誌銘

呂正將誌銘

徐氏誌銘

洪孺人誌銘

安人曹氏誌銘

致政朱公誌銘

丁君誌銘

太孺人王氏誌銘

安人張氏誌銘

熊氏誌銘

李君行狀

三十六卷

表牋

太上皇帝壽七十加尊號賀皇帝表

立春日賀太上皇帝慶七十表

賀高宗皇帝慶八十表

壽皇聖帝加尊號賀皇帝表

賀壽皇帝受尊號表

賀皇太后牋

賀壽成皇后牋

賀壽皇帝加尊號表

賀皇帝表

賀太后牋

賀壽成皇后牋

賀皇后牋

賀會慶聖節表七首

賀明堂禮成表

賀正日表

賀改元表

謝賜曆日表五首

謝太上皇帝清安降赦表

謝明堂赦表

進布表

聖節進貢表

高宗皇帝升遐慰皇帝皇太后表牋四首

祔廟慰皇帝皇后表牋四首

小祥慰皇帝皇后表牋九首

大祥起居皇帝皇后表牋五首

大祥慰皇帝皇后表牋二首

正旦慰皇帝表二首 起居皇太后牋

卒哭慰皇帝表 發引慰皇帝表

冬節慰皇帝表二首 代趙提刑遺表

卷之三十六目錄終

江湖長翁文集卷之三十一

表牋

太上皇帝壽七十加尊號賀 皇帝表

聖孝有格慈闈晏享於遐齡皇文煥陳寶冊誕揚於大
號觀會通而行禮盡愛敬以事親誠罄九重驩均萬寓
竊惟元聖體道人而之天大君顯親名賓其實天與徒
故享壽祺而有永實旣浮則播德美於無疆載籍以來
其事可攷高辛著在位之載曾號榮之靡聞唐帝上應
乾之名揭親德而粗備肇觀盛際不講彌文蜚英騰茂

之罔踰亘古窮今之創見恭惟 盡舜之養繼周以文
方璇穹保佑於嚴君必玉檢鋪張於偉績展采錯事三
辰交驩揚輝奮炎萬世彰信臣叨居外服幸際昌期玉
卮方舉於漢儀瑤城莫陪於虎拜隘千二百歲授筴於
萬斯年追五三六經大書不一而足

立春日賀 太上皇帝慶七十表

頤神間燕揭舜德以繫民介壽永延齊堯年之在位適
天序肇發生之日宜皇家疏寬大之恩凡在見聞咸均
鼓舞竊惟仁沾夷夏本乎爲天下得人世享治安孰不

祝聖人使壽况乎躬撫中興之運茂凝退養之休緜寶
筴神授之祥受聖子曰嚴之事縱心不踰矩道承宣父
之傳脩身未嘗衰歲過有熊之永在希有濶逢之令典
見重熙累洽之昌期恭惟 道大莫名功成不有廣運
而奄四海措俗安安難老而彫三光自天保佑將八千
春秋之未艾適五百甲子之甫周嘉與函生同瞻盛禮
臣適拘守土徒切望雲奉漢殿之觴莫陪百執偕華封
之祝倍激寸心

賀 高宗皇帝慶八十表

雞赦疏恩已講號榮之奉玉卮稱慶旋當震夙之期俯
偕率土之歡共上後天之禱恭惟 道傳列聖統接百
王謨烈光昭如文武之共處晨昏色養備曾閔之所難
格天瑞之鼎來喜帝觴之屢舉神筭錫美介八表之遐
齡電樞屬辰行萬年之洪筭某屬茲守土徒切望雲以
天下而養親身逢大舜祝聖人而使壽心慕華封

壽皇聖帝加尊號賀 皇帝表

肅嚴鳳駕祇造親庭誕揭鴻名推尊聖德凡屬聽聞之
數孰非鼓舞之深恭惟 得道之傳奉親爲悅六府三

事大禹克承帝功五日一朝漢皇蓋有家法謂淵懿之
妙欲推其盛然形容之際實強而名益隆無上之尊不
衍維祺之壽煥聯寶冊前奉珠庭若帝之初歲上儀而
嗣講丕天之慶掩振古以無前臣服采使軺馳神魏闕
想雲趨之列辟獨阻造廷偕葵向之斯民徒知擊壤

賀 壽皇聖帝受尊號表

怡燕間之神授聖有託受徽懿之號媿夫其尊亘今古
以用光奄華夷而胥慶臣聞聖人所爲不可以形容盡
神心之妙亦難以稱謂求然人主事親之誠敢忘歸美

江漢長翁文集卷之三十六
而天下被化之久咸極推尊上所不得而辭禮之所謂
至盛恭惟 繼堯而治天德用寧咨禹之功已憂庸釋
茂神聖簡寬之化奄帝王號名之隆古與徒亦天與徒
壽必得則名必得煥陳寶冊祇奉慈廷疊矩重規侈慶
源而未沫展采錯事揭丕則於無疆臣夢想中宸身縻
外服覲丕天之盛舉莫預造庭同率土之含生第知擊
壤

賀 皇太后牋

禮奉未央親顏載說慶叢長樂母道益尊凡屬聽聞率

同抃躍恭惟 輔堯爲治授舜承顏歷熙洽之期一嚴
闡教佐揖遜之舉再定睿謀屬嗣皇極尊親之誠推顯
號爲隆古之冠展采錯事三宮均驩騰茂蜚英萬世彰
信濟慶源於孫子遠暨雲來侈樂事於邦家益駢祉福
賀 壽成皇后牋

明主奉親極推尊於聖德皇家行慶實立本於坤儀揭
熙號以媿天見盛時之冠古恭惟 承堯滋久輔舜無
爲措時三登繼紹興之至治儷聖一意承長樂之驩顏
方嗣皇孝治之益隆宜慈極德名之兼懿雖天地之大

不容繪畫然仁聖之妙庶或形容揚輝奮炎擅一時之
盛事燕孫翼子垂萬世之洪休

賀

壽皇聖帝尊號表

代石湖

享承顏之養親付萬幾受賓賓之名妙參三極中天叢
慶率土均驩臣聞至人高謝於聲稱妙道豈容於言議
天地之運固不可繪畫索乾坤之象或亦以健順名况
聖主奉親欲罄推尊之懿而慈皇體道茲當極治之餘
仰鴻號之載熙宜上儀之不蕝恭惟
繼堯爲治旋底
三登咨禹畀疇式歌九敘凡授受相與一道而孝儉獨

冠百王從姑汾四子之遊衍箕翼萬年之慶退藏於密
合乎人固合乎天何事於仁得其名亦得其壽茲勤檢
玉前奉疑旒駢祉福於一家掩風馨於二典臣縻身香
火矯首雲霄想祕殿之班莫偕率舞追鈞天之夢徒有
馳神

賀皇帝表

祇款慈闈誕揚鴻號懋帝功之極盛擅美無前卽聖德
以強名推尊敢後邇遐雖異抃躍惟均恭惟
繼統而
興奉親爲說九功惟敘克祗禹命之承一道所傳盡得

江漢長翁文集卷之三十六
舜心之正一遵勤儉庸守盈成謂親恩之大欲極於形
容而天德之妙固難於模擬茲嚴檢玉之奉用效運衡
之窺益隆無上之尊丕顯盡倫之聖增光古昔叢慶朝
家臣夢隔帝居身縻琳宇覲丕天之盛事莫預造庭同
率土之含生第知擊壤

賀 太后牋

上號名之隆親顏載穆衍邦家之慶母道益尊凡屬見
聞率均抃蹈恭惟 儼聖君而立極體坤德以廣生人
法地地法天克全道妙堯傳舜舜傳禹一本睿謨方嗣
皇極尊親之誠揭懿號爲振古之冠蜚聲騰實顯盛德
之形容正國自家襲丕天之祉福豈特掩典謨之巨美
抑將示孫子之宏休

賀 壽成皇后牋

明主尊親上儀載歲慈闈叢慶懿號兼崇凡屬見聞均
茲鼓舞恭惟 嬪虞輔治咨禹懋功歷三朝一道之傳
佐萬國重熙之盛坤順乾而載物迄底生成月承日以
爲明並稱臨照方嗣聖祗勤於孝治宜母慈同舉於號
榮揚輝奮炎侈一時之盛事詒孫翼子垂萬世之宏休

賀 皇太后牋

賓實之名尊親敢後自家而國積慶有源上儀肇舉於
中宸盛事獨超於振古恭惟 睿慈偶聖柔順應乾如
月嬋日以麗天亶資合照暨禹嗣虞而繼統旋底阜民
輔孝治於明君侈號榮於慈極尊獨推於無上壽益衍
於維祺騰茂蜚英掩百王之景鑠重規疊矩示億載之
宏休

賀 會慶聖節表

夢日開祥撫千齡而接統後天效祝繇四海以傾心凡
屬生成均知鼓舞恭惟 聰明稽古信順尚賢離明善
繼而皇圖底寧常久用亨而廣宇丕應罄小心而事帝
挽回太和躬至養以尊親晏享多福惟有大德者得其
壽蓋無能名而則之天旋屬虹流之辰茂膺川至之慶
臣限拘持節阻造奉觴奇齡之邁五龍欣逢聖旦率舞
之同百獸儼近天威

大哉又聖 聖人清風 聖人清風 聖人清風 聖人清風
里社鳴而啓聖震夙生辰葵心傾而向陽坤維仰德居
匪遙於禹服祝請效於堯封恭惟 稽古有爲繼明而

治資兼仁智動合 祖宗孝孚華夷超冠今古武不殺
而品物自遂刑幾措而一夫靡寃故言天有驗乎人而
大德必得其壽適華渚流虹之日馳寰區就日之誠臣
雖近皇居屬兼漕節奇齡邁莊椿之上但頌延洪率舞
同舜陛之前益勤夢寐

龍飛協慶肇臨載夙之辰鰲抃均歡共祝無疆之壽內
外百辟古今一時恭惟 見堯而知紹舜之治離重明
而善繼乾行健以時乘寅奉兩宮躬曾閔所難之行增

光列聖掩周漢而下之君無能名而則之天有大德者
得其壽適屆虹流之日旦茂儲川至之休臣屬在驅馳倍
多鼓舞受夫帝祉固知天子之萬年偕此民區願效封
人之三請

又

萬寶告成偶珎符於夢日九州丕應祝遐筭於後天凡
屬燾持孰非抃躍恭惟 聰明齊聖信順尚賢曆數在
躬祗承大禹之命天地合德紹隆虞舜之華色養奉兩
宮之歡心傳探二聖之妙惟有德得其壽蓋言天驗諸

人肇臨震夙之辰咸瀝誠忱之禱臣屬拘持節阻遙奉
觴奇齡高邁於五龍欣逢聖旦率舞願同於百獸儼在
帝庭

又

祥開夢日方良月之就盈誠切望雲率後天而效祝千
齡協運四海交驩恭惟 陶鑄百王粃糠衆甫繼堯而
治燁乎帝華之重咨禹之功昇以神器之大怡神而友
造物釋負而置萬機蓋治身以道之真宜大德則壽必
得華旦適逢於繞電遐齡茂介於增川臣秉節畿封馳

誠魏闕偕千秋金鑑之獻猶阻造庭紀萬歲崧嶽之呼
或能泚筆

又

推里社之鳴辰載逢於震夙效華封之請祝咸暨於坤
維凡屬燾持孰非鼓舞恭惟 聰明齊聖信順尚賢勳
業五三六經之傳太和二十八載之久堯父禹子古謂
無憂帝興王成躬示其法釋負置萬機之重褰裳從四
子之遊蓋身佚樂則年彌延而仁滲漉者帝所佑信大
德得其壽宜言天驗諸人適當電繞之期自行嵩呼之

筭臣庇身祠宇矯首帝居奉萬歲之玉觴莫窺盛禮上
千秋之金鑑敢後羣工
無憂又
渚流虹而啓聖良月就盈葵傾日以頌君後天難老一
人有慶萬壽維祺恭惟
協帝重華如周過曆躬神武
而不殺掩帝王極盛之功得歡心而寧神盡曾閔難能
之孝格天心之眷佑宜睿筭以延洪適甲觀告祥之辰
誠均夷夏罄華封使壽之請固等岡陵臣夢阻帝居身
縻使節億齡滋永企瞻南極之星三舍匪遙尚遠長安

之日

賀明堂禮成表

因時謹禮告成萬寶之秋配帝禋先慈祀九筵之室純
誠昭格熙事備成恭惟
統輯羣元參稽列聖園丘薦
灌殫精意以屢親重屋揭虔備縟儀而間舉復罄一純
之報恪遵三歲之規敢以宅憂而怠於靈承逮其竣事
則受茲景貺星宿概潤協氣泛浮乾坤清寧皇心娛豫
翕羣靈而頽祉縣奕世以垂休臣持節畿封注心魏闕
望侍祠之冠佩莫近清光偕擊壤之黔黎賡歌盛事

賀正旦表

千載題期膺璇穹之眷命三朝受籍罄海宇以來王載
維歲序之更端茂擁日新之純嘏凡居率土舉切望雲
伏以參四大於域中地法天而天法道著五始於聖作
正次王而王次春欽曆象以履端本中和而鼓衆庶方
丕應百福惟新恭惟 發政施仁承天從事慶綿慈極
新唐堯在位之年祥著珎圖衍漢帝聞嵩之歲適迓舒
長之日同躋仁壽之氓臣偶此令辰叨居外服奉玉觴
而上壽徒傾就日之心攷瑤曆以下年願效後天之祝

賀改元表

函三體極繼聖治以匹休謂一爲元端宸心而謹始凡
居率土同切望雲恭惟 乾健自強離明麗正龍樓問
寢不違五日之朝瑤曆告祥申衍億年之慶惟視大始
而正本宜和萬民而面王於昭繼志之勤用祀奉元之
號揭茲正朔同彼車書臣忝與使華竊窺帝意謹持盈
之治盪耳目以一新大接統之稱暨率夷而四被

謝賜曆日表

御四時之氣肇自履端頒一札之書庸昭敦本布此劭

農之政首諸持節之臣俯與民編仰孚德意恭惟
寅恭事帝惻隱臨民管天地之覆持嘉生成遂握陰陽
之遞代元化曲成自璿璣玉衡之齊底攝提孟陬之正
將嗣迎於豐歲爰申錫於成書舉是含生孰非拜賜臣
敢不驅馳原隰勸課農桑雖帝力之何知各安耕鑿俾
田功之克謹仰副生成

又
課清臺之曆庸謹夏時頒太史之書旁周禹服凡王春
之所被仰帝意以交孚恭惟 彌綸兩間甄冶萬有神

筴錫美介親壽以永延緯星儷明格天心之純佑上稽
乾運欽授人時正躔離弦望之經節析因夷隩之事莫
重履端之命俯咨共理之良臣敢不存問閭閻服勞阡
陌政捐苛細庶息斯民愁歎之聲職布中和冀迎嗣歲
豐登之慶

又

襲堯之爵仰聖主之無爲行夏之時劭農功而有叙一
扎謹人時之授萬方何帝力之知恭惟 曆數在躬天
人助順陰陽寒暑璿璣玉衡之以齊震兌坎離攝提孟

江漢長翁文集卷之三十六
賦之既正躋斯民於盛富納品彙於中和臣敢不祇奉
成書恪勤所職務農重穀少裨大君育物之仁薄征緩
刑庶迎嗣歲至和之氣

又

欽崇天道敬授人時課巧歷於清臺具嚴聖作分成書
於方國庸劭農功肆令繡斧之臣仰識璿璣之政恭惟
至誠贊化溥愛法天高拱帝功之成深惟民事之重五
辰坐撫歷數知在於舜躬一札下馳正朔宜頒於漢殿
雖聖意亮陰之際體璇穹生育之心臣敢不仰奉至仁

率先羣吏政尚慈惠用安析因夷隩之民瑞迎豐登庶
捐歎息愁恨之苦

又

奉一元而司契肅正夏時協五紀以成書均頒禹服凡
分民寄仰識聖心恭惟 挺德睿聰承天寅畏心勤民
事謹夷析於秋春緒正皇猷嚴勸懲於舒慘究幅員豐
富之效緊把握陰陽之功宜一札之所臨率九農之胥
勸臣敢不體茲優渥奉以恪恭代庖而布郡條雖無補
報載耜而宣上意庶竭罷駑

謝 太上皇帝清安降赦表

親顏悅豫慶珍膳之復初帝澤龙鴻覃幅員而無外望
堯雲於咫尺拜漢扎之丁寧恭惟 約已奉親重華繼
聖勤顧復之念曾跬步之不忘調寒暖之宜在承顏而
惟謹小乖宣節旋就寧康喜慈極復遂於含飴宜皇恩
誕敷而宥罪伏况 太上皇帝陛下德侔高厚仁冒華
夷有增二典之光丕享萬年之福方一人祇勤於色養
惟疾之憂眷兩儀敷佑於皇躬何恙不已尋正周王之
履從封楚府之錢無間邇遐均知鼓舞臣外持使節大

識王言俯與編民效華封三請之祝更資汗簡紀嵩嶽
萬歲之呼

謝 明堂赦表

九筵宗祀熙事迄成一扎細書湛恩溥暨邇遐雖異鼓
舞惟均竊以合宮班常實統和之所明主教孝昭事帝
之誠雖天子必有尊惟聖人爲能饗間郊而祀得禮之
中均暨有生咸蒙大賚恭惟 受天眷命酌古御時參
華 祖宗探妙經籍恪勤一意謹三歲之揭虔並侑兩
儀聯百神而賡食緝熙而懷多福歛用以錫庶民粵茲

食土之毛舉被漏泉之澤三靈敷佑萬世無疆臣使事
所縻帝居徒近執豆籩而奔走莫厠羣工之聯沐雨露
之沾濡俯同一物之數恭惟 受天補命古明

進布表

如天之覆外暨堯封厥篚之共庸羞楚產前件物出從
荒陋製則單練瘠土所宜謝女紅之纂組彝章有在瀝
臣職之勤渠

聖節進貢表

祝聖主後天之筭俯罄輿情舉海隅食土之毛無非帝

力思效嵩呼之喜敢忘庭實之陳前件物珍毓山川貢
修淮海多儀及物見四方來賀之心申命用休衍萬歲
無疆之慶

高宗皇帝升遐慰 皇帝表

爲天子父未作範於帝臨與造物遊忽乘雲而僊去普
天之下跼地靡遑恭惟 道貫兩儀恩覃萬宇奄違鳳
闕之奉空切龍胡之悲恭惟 妙得心傳愛隆膝下遽
隔承寧之養可勝哀毀之情仰冀睿衷俯遵禮節少思
順變領臣鄰寬譬之言惟用解憂尉聖母摧傷之意

慰 皇太后牋

稜纏慈極哀結中闈凡屬生成孰非摧慕 大行皇帝
陛下業光列聖仁浸中區萬歲爲期養歛捐於興慶百
身何贖攀徒切於鼎湖恭惟 協贊帝功翊扶皇運方
聖嗣抱來違之痛宜母慈寬臨感之悲少慰臣民用安
宗社

慰 皇太子牋

享天下之養方迓寧康悼仙遊之遙偶茲變故邇遐雖
間糜殞可勝 大行太上皇帝陛下執古御今以堯授

舜祉福施於孫子勳業光于祖宗奄違鶴禁之朝惟極
龍胡之慕恭惟 任隆主鬯誠切奉親方聖主哀摧滋
甚天傾之感宜睿情寬譬益勤日致之思豈徒順變以
節斯是曰寧神之犬者

慰 皇后牋

慈極未違悼天傾而地坼含生結戀紛雨泣以雲悲闡
政所孚睿情采篤 大行太上皇帝至誠贊化懿範宜
家三紀題期修身可以治國九齡朕夢厭世去而上仙
摧慕之深邇遐無間恭惟 協成兩宮之教祇贊五日

之朝奄隔承寧益深哀毀仰冀奉先而思孝少荅民情
無如順變以節哀用寬帝念式備祖考皇帝表皇帝至禮終襄事孝重寧神廟室有嚴僊游來燕凡在生成之
數可勝號慕之情恭惟 親受堯傳益深舜慕助因山
之禮川嶽効符奠在天之靈羹墻注目事高振古誠格
寰區冀寬天性之悲摧用尉坤慈之眷屬
慰 皇太后皇太后定不桃之禮參對三靈申罔極之恩儀刑萬葉凡居覆

燾同極悲摧恭惟 儷德皇居協成聖治悼僊遊之忽
遠瞻廟貌之儼存送終有加率禮不越伏願抑攀號之
至性計詒燕之永圖上寬聖心俯尉天下

慰 皇太后

陵園悲固廟室崇成孝孰大於寧神禮用嚴於追遠恭
惟 密佐龍樓之養忽抱鼎湖之悲協贊聖心掃易月
之舊制參稽祖武燕在天之威靈千祀流芳二儀薦祉
伏冀承寧天故寬譬皇躬仰用尉於坤慈俯亦安於海
宇

耐廟慰 皇帝表

襄事迄成寧神惟重爰考不桃之禮用昭罔缺之謨攀
戀之深邇遐所共恭惟天繼堯守位如舜慕親奉弓劍
於橋山悲纏穹壤儼衣冠於新廟日對羹墻垂顯懿於
無窮嚴繼承之有永冀思付託少節哀摧式遵遺誥之
言仰尉東朝之眷

小祥慰 皇帝表

慈極上賓痛無甚者天時已駛祥則御嫌然想淵抱之
纏悲暨海隅而揮涕恭惟繼堯守位如舜慕親自驚

輿慶之違緬想鼎湖之隔思萬物莫爲之報備竭孝誠
謂三年乃免於懷力行古制事光今昔哀動華夷當春
秋炎涼之已周宜霜露悽愴之增感願思託付少抑悲
摧

小祥慰 皇太后牋

慈闈棄養天運如流望隔鼎湖悲纏長樂恭惟早偕
多難同建中興方期萬年耆艾之祥遽有一旦幽明之
隔藏稽山之弓劍徒想僊游閱漢曆之春秋已周星歲
霜露之感君臣所同尊矧極於母臨哀有聞於天至願

寬聖念少尉輿情

小祥慰 皇后牋

聖主謹終力行古制天時遙運俄閱歲周誠感寰區悲
纏中禁恭惟 肇偶龍飛之運久承鳳闕之顏斯萬年
參典慶之朝遽一旦有鼎湖之痛屬茲祥制深切睿情
冀有以寬聖主之哀思所以尉天下之望

小祥慰 皇帝表

聖君慕親豈哀摧之庸釋玉曆紀敘適寒燠之已周普
天之涯踏地莫處恭惟 羹墻在念衰絰以居貫兩儀

而與通行百代之既絕盡謹終追遠之義聖者能之推
節哀順變之規期已遠矣願思託付之重少寬悲毀之
懷

小祥慰 皇太后牋

僊游寢遠星歲忽周痛結東朝悲纏率土恭惟 作配
上聖收功中興含飴九重當聖子躬問安之養乘雲一
旦屬慈皇有厭世之心茲歷春秋之更宜深霜露之感
冀寬摧慕以廸壽康

小祥慰 皇后牋

江漢長安文集卷之三十六
項自慈皇宵然厭代蠢茲率土摧若無生甫臨祥制之
期益切坤儀之痛恭惟 輔成聖治偕罄孝思躬服衰
麓行古者三年之制感深霜露歷星纏二氣之同可無
寬譬於皇情庶以慰安於聖母

小祥慰 皇帝表

仰慈極之僊游邈焉寢遠稽攝提之歲敘倏爾旣周哀
切中宸感深率土恭惟 慕親之篤亘古莫儔受精微
之傳揭爲聖治念鞠育之厚備極孝思心注羹牆體安
苦塊德通天地誠動率夷方祥制之甫臨計皇情之彌

切願寬聖性遵節哀順變之文庶奉母慈盡謹終追遠

之義

小祥慰 皇太后牋

海宇天傾慈皇仙去期云已久哀則有餘恭惟 蚤擅
媯皇之功光輔文考之治謂緜億齡之壽同享五日之
朝稔遽結於橋山感益深於典慶甫茲祥制倍切皇情
冀抑哀摧仰以遵遺誥之訓用精調御庶少寬嗣聖之

心

小祥慰 皇后牋

聖主慕親之切亘古窮今海隅感化之深踰天踏地矧
惟坤德架極睿情恭惟 順事慈皇周旋聖孝屬茲一
旦仙馭爲帝鄉之遊胡不萬年禕衣陪鳳闕之養期雖
已久哀則未忘願抑至情式遵中制

高宗大祥起居

皇帝表

代石湖

酌祖有臨尚茲遏密奉親爲悅可後燕怡再更祥制之
期倍極皇情之感恭惟 受舜之託見堯而知法度用
彰彌切羹墻之念歲時亟易自興霜露之懷然禮本稱
情孝當養志願儲祉福仰寬三宮追慕之情用億神人

俯慰四海勤劬之望

高宗大祥起居

皇后牋

服堯結戀彌惻皇心承舜解憂率資陰教禮無違者祥
則御嫌然恭惟 儷聖膺圖自家刑國共底天民之阜
孰非祖武之繩弓劍已藏攀龍胡而寢遠羹墻如在悵
駒隙之莫畱倏臨再期冀襲多祉庶裨養志之孝以燕
在天之靈

高宗大祥起居

皇太后牋

太上神遊彌切羹墻之念慈闈淵抱每興霜露之懷奄

屆祥除益深摧慕恭惟 補天立極媿聖膺圖輔三紀

之垂裳靖四方而按堵仰橋山之結戀望斷龍胡悼義

馭之迅遷感深駒隙情則痛甚時方御嫌名然願抑悲摧

調瓊膳玉食之御益迎壽祉慰聖子神孫之心

壽皇聖帝表 壽皇聖帝表

堯喪躬服舜慕日深悼天運之已邁倏祥除之甫暨緬

惟注想尤極增悲恭惟 聰明憲天仁智冠古起積弊

之俗處縷麓者三年盡大孝于親立標準於萬世竊思

痛甚之念未愍御嫌名然之時願寬攀摧益厚宣節仰順

慈幄含飴之適俯安聖君問寢之心

高宗太祥起居 壽成皇后牋

服堯之喪莫攀僂馭輔舜之孝允屬坤儀倏祥制之甫

臨計哀悼之彌切恭惟 克躬婦道合德聖心方 慈

皇奉親茂揚彤管之教適 太上厭世悵然白雲之乘

輔行三載之麓縷共示百王之檢柙劇神遊遠矣之痛

適淵抱御嫌名然之時冀抑悲摧慰聖心之養志益思寬

譬奉長樂以含飴

高宗大祥慰 皇帝表

四海纏悲服堯喪而甫既九重養志體舜慕以未忘逮
此祥除可勝淵抱恭惟 配天與合繩祖有臨孝理冠
於百王道原得於三聖治而繼治坐臻法度之彰噸有
爲噸益注羹墻之念方慈極畢縗麓之制宜聖君進寬
譬之言閱駒隙之光感暑寒於天運問龍樓之寢叢福
慶於皇家

慰 皇后牋

燕高廟之神百靈薦敬畢堯喪之服三殿纏悲情則御
銘然禮無違者恭惟 道尊儷極教始自家端有奴之

儀刑輔成聖孝想橋山之弓劔易閱天時倏屆祥除益
深感慕冀迎祉福上解兩宮之顏永億神人俯偕四海
之望

正旦慰 皇帝表

親養奄違方宸衷之在疚天行已駛倏歲叙之更端舉
海宇以悲纏識君心之痛甚恭惟 尊惟歸父契堯舜
之相傳孝則動天雖曾閔而有愧五表始還於素幄三
年躬服於麤衰簡策所無華夷胥感屬屆元正之旦遐
追五日之朝想惟至孝本於寧神而節哀所以順變俯

安率土之望仰慰在天之靈
慰 皇帝正旦表
龍髯莫攀凜聖情之在疚駒隙已駛倏歲律之載新凡
屬燾持可勝跼踖恭惟 色養之謹超冠古今孝思之
誠感格天地念萬物莫親恩之報而三年茹服舍之哀
緬聞異域之傾心咸仰中天而稽首況暑寒之遞易凡
燧火之幾更冀奉東朝之顏用承眷注勉遵先帝之訓
少節悲摧
起居 皇太后牋

更三聖之傳離明善繼極兩宮之奉坤德彌尊格宗社
以儲休自閨門而叢慶恭惟 德兼任姒教被家邦立
極中興之初含飴累洽之旦助揚神化人法地而法天
密啓帝衷道傳舜而傳禹而況蘿圖增固冀莢告祥塵
外風光晏襲三靈之祉壺中日月長稱萬壽之觴

卒哭慰 皇帝表

稜纏慈極致養莫追痛結宸衷歷時斯久普天內外望
日悲摧恭惟 全大孝以奉親盡誠心而繼志茂隆聖
德有增上古之光申介親齡宜行萬年之福瞻典慶以

如在悼鼎湖之莫攀亮陰方仰於不言成事俄聞於易
祭伏願少裁戀慕之痛注念繼承之艱恪遵遺誥之言
益思順變欽奉東朝之養庶用解憂禔人普天內代聖
發引慰 皇帝表
親闈棄養天運如流柳馭戒期倏驚緬邈楓宸未慕尤
極悲摧恭惟 心合帝王孝踰曾閔掃易月之陋念親
德之難酬告因山之成悼僊遊之益遠睿斷夙超於今
古哀誠丕感於華夷伏願少抑至情俯循中道式慰東
朝之眷是誠 先帝之心

冬節慰 皇帝表

養違親極莫追五日之朝候變天行倏屆一陽之復眷
流光之已駛仰淵抱以奚堪恭惟 襲爵紹堯奉親如
舜養志爲大收帝王力行之功承顏不違盡曾閔難能
之孝謂萬年勤鳳闕之事迺一旦抱龍胡之悲邇遐無
間偕痛天傾代謝不停甫臨日至想宸衷不已之慕結
親德罔極之思共願仰慰母慈俯矜民欲任大守重謀
惟宗社之休順變節哀少寬霜露之感

又

親闈不待悼祀國之天傾歲運已行書魯臺之日至悲
纏淵抱痛極民區恭惟 如舜紹堯傳心是道窮今亘
古盡孝於家方勤興慶之朝遽紹鼎湖之稜報德罔極
緬帝鄉白雲之遊流光不居甫陽氣黃宮之復共願納
近臣之寬譬解慈極之悲摧力務寧神是爲順變

代趙提刑遺表

雨露疏恩許還官政陰陽爲寇莫究天年尚延屬纊之
期少布戀軒之悃伏念臣受材么麼逢世休明策足仕
塗素佩教忠之訓致身朝列昔蒙越次之知繼三把於
州麾仍屢持於使節罷駑自力期上最於中天試用罔
功偶逃刑於司敗氣衰得疾福過挺災思假息於清閑
用祈哀於洪造俞音賜可指里社以未前大數有終寧
膏肓之容療將殞生於泉夜終結戀於聖時忍一死於
須臾思片言之補報仰祈聰察俯鑒哀誠伏願 力行
帝王遴擇文武集和戎之福普暨華夷收偃伯之功用
光今昔大孝念無窮之計慕親寬弗及之悲綏御至和
演椿齡於西極寅羞備奉供綵戲於東朝儻天地之恩
猶或聽之則螻蟻之願於斯畢矣

江湖長翁文集卷之三十一終

江湖長翁文集目錄

宋高郵陳造唐卿撰
明仁和李之藻振之校

三十七卷

啟

答胡同年啟

答從遊三公

寄柴教授

答王尉

答喬秀才

交代

答吉解元

答曹秀才

答平江職事

迎提刑趙殿撰

答潘解元

答沈學諭

答嚴上舍

答高解元

答張尉

答陳解元

答定海交代

答定海學職二首

寄張丞

答王秀才

答李秀才

答任秀才

答陳秀才

答爲壽諸公四首

謝吳使君

答馮秘教

答胡解元

答葉秀才

答趙縣丞

與黃運使

答李秀才

答林判院

答王秘校

三十八卷

啟

房州交代啟

郡太守啟

答梁教授

答葉教都監

答楊知縣

答高司理

答尹解元

答路上舍

答王上舍

答胡學長

答路主簿

答竹山鄭宰二首

答藥解元

賀淮漕移浙漕

賀浙西漕除總領

賀宰執加官

賀周右相

賀施知院

賀蕭叅政

賀黃察院

賀趙漕應辦山陵轉寶文閣

賀浙東提刑

答淮西方漕

賀潘漕

賀耿安撫

賀李察院

賀黃正言

答湖南憲

答常守

答淮西漕

答鎮江葉守

賀林察院

卷之三十八目錄終

江湖長翁文集卷之三十七

啓

答胡同年啓

宸廷唱第竊幸聯名仙里效官庶將賴庇雖服勤於半
載猶相望於兩州蝶夢空勞未遂朋簪之盍鵲音送喜
遽承札翰之投玩文彩之燦然荷推褒之過甚不敏之
責有覲其顏某官蓄德宏剛秉心純懿粹學根於性而
副以淵源之師友軼才畀於天而發爲黼黻之文章高
視儒先擅斗南之譽望增光我輩推天下之中庸白璧

當價必也連城紫鸞過都迅於歷塊揮談間之珠玉已
俛取於魏科展曾次之經綸宜優躋於臚仕夫何簿書
勾稽之事可淹廊廟獻替之才蓋聖代取賢用望亦兼
於用資而君子事上在朝或先於在外佇被日邊之詔
檢歸聯雲際之仙曹尚其拔茅及此斷木某淮鄉冷族
儒館孤生書傳囁嚅姑息肩於耕牧光陰蹭蹬敢妄意
於事功殿名偶廁於羣英得飽遂霑於寸祿困而學又
其次也尚餘任重致遠之心率以驥不亦可乎此實事
賢友仁之志孤陋坐糜於日月光儀徒避於參辰捧雲
翰以細披覺茅心之驟豁慰人甚矣渴德尚然承聞俶
官期之裝不無敘鄉里之別便郵屬我子以展此生金
蘭之情下澤過君或可爲數日文字之飲惟是禮容之
簡後更希德量之含洪

答從遊三公啓

頭顱引鏡自歎衰遲朋舊盍簪過蒙咨逮容投名於書
社仍拜賜於雲章陳義甚高揆才非稱三賢者性資穎
悟術業粹醇鄉閭傑出之英庠序後來之秀見所未見
吞萬卷而有餘能問不能視寸長而必取辱當此禮有

泚其顏使自任爲師是犯俗間之所忌若羣居講學茲
誠儒者之當然諸公姑此爲功名之階此老亦與有文
字之樂

寄柴教授啓

楓陛爐傳竊有聯名之喜芹宮教事偶叨交印之榮在
齊年事契之最深乃今日從游之云始况心期之不淺
知天幸之居多差肩同采藻之儒屈指計及瓜之日某
官器凝塵表價擅斗南粹然冰玉之天資副以淵源之
家學曾中河漢蟠五千卷而有餘筆底煙雲眇二百年

而無此家誦太冲之賦人知白傳之名小淹薄領之司
旋試師儒之職惟此邦蕞爾之甚陋而名士向來之獨
多自旄頭彗紫微而俎豆不修則學舍鞠園蔬而衣冠
幾盡有識增歎後生疇依迨二聖創述四紀之餘宜多
士教養一新其舊所惜文風之愧古政須師席之得人
元侯高耿賈之才猶俯爲於文學退之收籍湜之輩豈
止業於辭章爲學者司南其塗待先生日東其首某詩
書冷族塲屋腐儒苦節半生妄作功名之計晚塗一第
僅償燈火之勞官同元結之漫爲祿悼曾參之弗泊頭

江漢長翁文集卷之二十七
三
顧若是豈足爲縉紳之重輕門戶謂何未免計衣鉢之
傳授陶家男徒黎粟之索景升兒貽豚犬之嗤端由一
暴而十寒所以寸進而尺退論資刻日謂不逮拜於紫
芝遣子執經乃猶及親於絳帳想惟賢者兼容之量重
以契家相與之情必賜提撕曲加鑄琢儻賸殘膏馥豹
一斑之許窺則振拔汗塗驥千里而可附公來後矣予
日望之小俟仲秋治牒而南尚得半歲聚首于此與此
老爲東道之主滿尉交情俾諸雛祝南豐之香長稱法

嗣

復王尉啓

代庖無取暫尸采藻之宮仰斗爲勞久計及瓜之問占
鵲音之破夢喜魚素之到門眼爲之明驚朶雲之舊絢
世所共棄辱華袞之褒嘉輒攄至陋之辭少答不貲之
惠某官性資敏邵人品高華破萬卷書孰測筆端之神
物流三峽水莫窮曾次之詞源豈特維揚之雋人是蓋
天下之奇士夫何從仕猶在中年蓋難售則其價可知
而晚成者爲器必大花封暫駐少須下瀉鵬於前灘芝
檢飛來行卽造鷓鸞於中禁盡紆遠業用福斯民某筆

硯寒生粉榆後進操觚試藝周旋嘗覩於風儀捧檄效
官鄉邇但勤於夢寐偶郡庠虛席之次應賢守設醴之
招幸何如之喜有過此卽今盥手披鴈足之赤書繼此
班荆敘門間之半面尚容老退時並英游下里門而敬
鄉人深所望者寫我心而見君子不亦說乎

答喬秀才啓

高蓋迂臨已尉傾詹之素長牋見屬復增衰朽之光爛
然綵綵之文申以師資之請揆才非稱撫已爲慙某人
淮左勝流斗南奇士元祐名德今見遺風臨川故家非

謂喬木才跨鴈行之表人期虎榜之登夫何建功立名
之秋猶復含酸茹苦之訴士當尚志人定勝天惟精于
勤成于思持誠不苟雖困於心衡於慮傾否有期獨惜
禮意之甚隆不知老衰之無取遽欲北面而受業豈所
敢當譬如南旆而之燕未見其可若曰多暇來而羣居
愛子以誠寧復有絲毫之隱起予之益當得諸磨切之
間

交代啓

芹泮効官忝與士鄉之教瓜期間戍獲承君子之規平

時馳仰斗之心指日快披雲之願望川塗而繫夢憑舉
牘以貢誠某官名世真才幹邦碩德全閩多士雋游咸
出於後塵當代數人我輩不勞於俯視人誦凌雲之賦
曾蟠插架之書如金華老仙揭示江西之句法雖東京
名士孰如叔度之量陂尚遲三字之聯榮俯爲諸儒而
小駐進賢輔世已聞鸚鵡牘之馳華國須人行拜鸞坡之
命盡紆遠業用福斯民如某學舍陳人淮鄉冷族半生
苦志艱難險阻之備嘗一第代耕勃宰盤蹠而不進念
吳門士氣之大振乃今日浙郡之所推擇地而求輕六
年之遠次攜雛以往冀羣彥之與遊想多聞直諒不無
若人况老成典刑併遺成法撫初心而竊抃臨晚節以
增輝坐廣文之氈等作諸侯之客告令尹之政佇觀賢
者之風

答吉解元啓

得祿士鄉不廢詩書之樂依風雋軌正資道義之交未
修執鴈之恭首拜朶雲之賜某人天資粹穎術業深醇
青銅懷萬選之錢綠耳躡中塗之足成風妙斲賸傳絕
俗之文造物小兒寧復憐才之意小耐詩人之吃蹇率

多痿者之起行平心以須何恙不已如末章之示諭荷
厚意之眷存不鄙廣文之無擅擬作監河之貸粟諾敢
輕於季路飽恐誤於陶翁蓋欠餘未及於究知則取予
固難於縣定儻其優裕敢後周旋

答曹秀才啓

佳客踵門喜清譚之滿聽新篇落手覺病眼之增明高
山躋景仰之懷明月重暗投之悔某人際天卓識倒海
宏才雖崎嶇白眼之前終軒豁紅塵之表貴洛中之紙
爭傳刻鳳之章摘領底之髭行有化龍之便至於長城

五字金薤千篇作者未見輩流詩人乃其餘事較之今
昔平處猶可奴隸騷捐其緒餘惠然亦復膏馥我試効
捧心之態少希過日之榮顧此平凡尚其鐫誨

答平江職事啓

老去作諸侯之客少尉塗窮竭來從賢者之游庸非天
幸喜披霧之伊邇忽朶雲之墮前文辭爛然推予過甚
某人東南之秀雋偉不羣意其已上於霄霏夫何猶滯
於場屋天文可考尚魁宿之躔吳人望攸歸竹漢庭之
策董某之疎謬意實傾輸論情道義之交言從此日屬

饜文字之樂更判畱年
迎提刑趙殿撰啓

奉詔檢於中宸
心察舉之權茲用煩於國老
望輶車於一水
傾喜氣於八州
先聲所臨有識相慶
恭惟某官才閎而量偉
識周而氣充
學必探原人仰河間之大雅
言惟憂國上知子政之多聞
中外踐更聲華藹著
省蘭卿月能稱屢徹於九重
使節郡符課最特優於諸彦
竹有迎刃日無全牛
恢磊特達今劉亭山精明不苛
古于定國自廣陵委靡

之歷載得賢帥指麾而一新
黠吏履冰無復簿書之緣
絕流錢在目未妨閭里之詠
歌信大手之所爲非常才
之跂及惟全吳號浩穰之極
在今日爲隄訟之雄帝眷
承流之宗英命宣止辟之睿
化激揚清濁肯專柱後之
文獻納論思行副朝端之寄
盡摠遠業用福斯民某受
廛淮鄉苟祿聖世尚載籍之
友未云滿其志趣事大夫
之賢庶以博其見聞心則拳
然人誰領此頃懷漫刺獲
窺彥輔之天今坐冷官復邇
晉卿之日此意所甚切者
一旦不啻疇之蓋將靜觀設
施追吏師之規模抑以進

海濱長翁文集卷之三十
聆警欬求時平之典故窮塗至願老境幸逢凜繡斧之
生風卽有趨承之便上星辰而聽履得無攀附之緣

答潘解元啓

潘石湖甥

滿聽粲花之論徐披振綺之文種種擅長無忌固知似
舅諄諄見屬柳子豈堪爲師雅意莫酬厚顏可諱某人
儒林挺秀學海窮源犀一角以標奇龜五摠而擅富外
家書傳向來親得於傳衣平世功名政恐不容於袖手
况石湖老仙之重望迺香山居士之後身語默繫夷夏
之觀瞻欬唾爲天人之珍祕子是之學歸有餘師豈期

謙虛俯逮衰朽所况愈下過採南箕北斗之名用心雖
勞寧免野鷺家鷄之誚予所望者君其圖之儻略去師
弟子之稱得研窮古聖人之趣共儒宮之長日策經笥
之奇勳豈敢終辭有足爲樂若曰爲處士而下榻未後
衆人脫或問先生而樞衣其避三舍

答沈學諭啓

寂寞之濱來游已幸清新之作見屬爲榮誦之俄至於
再三佳處僅知其萬一推褒過矣環省缺如某人襍積
詩囊深沈經笥固已略月露風雲之態豈止深喉襟管

江表集卷之三十
三十一 五十六
轄之書踐履丘軻所謂聞而知者陵跨鮑謝固將俯而
視之正自家傳得諸心悟玉屑棄而猶寶驥子墮而追
風向窺短詠之春容復讀長牋之典雅冷官增重遽延
重席之儒老眼爲明快覩奪袍之手顧如衰朽忽辱題
評文不逮人學終愧古念知者去仁者遠卽我夫復何
求若今與居古與稽於兄豈其得計而諄複之辭真若
有得景仰之素已不啻疇繼今講肄之餘綽有遊從之
樂佇觀多士羣經收是正之功抑俾老夫一字得敲推
之證久稽作答尤劇懷慙

答嚴上舍啓

希代至珍時許拜故人賜冷官樂事顧敢令兒輩知已
鬱薦賢之懷聊謀承教之便高文嗣至厚意莫酬夫士
取其賢而不計窮通然學裕乎中則見於辭采有能去
彼而取此加以彪外而弼中若公議未墮必褰裳而爭
取如造物不予或按劍於暗投在今日而論才得夫君
之畏友受八面之敵遊刃有餘看一錢之囊炊煙不起
詩解頤而紙欲貴衿見肘而琴常鳴冥搜哭東野之寒
處約有孟賁之勇誰遣兩窮之相值共嗟五技之何爲

江浦長翁文集 卷之三十 七
三百廿五
請姑就廣文之瓊儻其得飽容徐貸監河之粟會有知音
音歧以俟公幸毋鄙我

答高解元啓

疲神鈇槩自憐獨冷之官照眼珠璣忽拜不貲之惠情
隨辭至愧與感并道路風埃雖易動鄉關之思山川奇
勝茲可發氣宇之豪有底悲愁尚形覩縷歸裝分橐定
多諸侯之賜金坐客無瓊請視廣文之官舍

答張尉啓

一面相親遂有爲寮之樂雙緘俯逮得無過分之慙退
避以辭勤誠不懈回軒左顧有光獨冷之門闌銜袖見
投獲拜向來之珠玉榮生望表感與愧并某官襟懷坦
夷器質渾厚破杜陵之萬卷浩乎填胷雖魯國之多儒
誰非避舍已摘髭於科第旋策足於仕塗綵棒成名煩
申令之一布赤圓舊習挹先聲而四奔佇奏異稱亟膺
迅召道山延閣政爾須材貂蟬兜牟不應異轍某依仁
滋久聯事云初氣已蘇君子前滿酬心素禮非爲我輩
設終荷謙撝借餘論之過優溢衰顏之有覩語離作惡
念折柳之可堪爲思苦遲顧報桃之已後

江浦長翁文集卷之三十
答陳解元啓

名魁薦牘喜屬宗盟贊謁冷官凜觀名義委驪珠而燭
葩覺冰屋之回春玩味以還競慙未沫某人心期千古
筆力萬鈞造詣析微得前輩淵源之正精深行遠小後
生雕篆之工倉公倒囊皆已試之方養氏引弦無不中
之的果錦標之再奪佇雲路之高飛文價不羣久擅孫
丁之譽臚傳第一定聯黃衛之芳未貢賀緘遽貽妙製
探懷而贈白璧深愧暗投赤手而搏於菟若爲効報

答定海交代啓

製錦効官宰相先後朶雲拜賜備寫恩勤和氣春風溫
乎襲人玉案英瓊若爲論報敬憑尺楮少敘寸誠某官
仙木蟠根天潢分派深探向歆之經術師表諸儒發爲
賀白之辭華膾脔萬口蚤蜚聲於仕路卽闊步於英躔
割鷄益沸於絃歌解牛何有於肯綮御屏簡注高軼漢
唐循吏之稱鼎足延登行掩峴石相業之盛庶窮塗之
一老竊巨庇於萬間某書社鯁生淮鄉冷族甲乙科僅
收於壯歲十五年坐困於選曹家食之日居多官簿之
卑可笑時賢回眄信有酸鹹嗜好之殊班綴殿名遂叨

民社撫字之寄念設施掣肘縣尹之公患而疎魯師心
淮人之常情不容已而爲之初未見其可者逮好音之
至止歎疑慮之釋然蓋政綱整振則繼之易功而賢者
馨歎則賴以發藥而况民方偃草熙熙有春登之臺吏
不到門寂寂無夜吠之犬卽此遵奉足容老衰論及瓜
之期似幾已早委投李之惠益認不遺敬當尅日以趨
庶便朝天之計繼今提耳策敢謂於平平謹用服膺教
仰承於一一

答定海學職啓

舟凌驚浪肯輕一舍之遙袖出長牋有過萬金之况禮
寧素望言悉過情縣令竊師帥之名本非龕使鄉校乃
善否所定當有良規愧擁篲之未遑顧揚颿之先辱未
以爲好櫝藏璀璨之文其自于今日冀鑄磨之誨

答定海豐直學啓

荷民社之任方愧才疎從庠序之英庶資誨益執鴈未
脩於三揖剖魚忽拜於雙封盥手誦之尉人甚矣某人
士鄉偉器學舍奇材衣沾月桂之香卽觀騰趨書映市
槐之綠姑小遲回繼此鄙夫簿書之間當分賢者文字

之樂

寄張丞啓

湖上定交恍追昨夢海瀕聯事殊副此心滿同到罷之
期未洙從游之樂茲憑尺楮少敘寸誠某官士價萬金
賢關一雋文章輩古揚黃鍾大呂之和術業逸羣兼龍
泉椎成之用盍徑躋冊府之步尚屑爲海山之遊才正
繫於時須職豈容於丞負徒勞靡憚未妨對鴈鷺之行
見晚興嗟倚俟遙鴛鸞之序某詩書廢忘齒髮摧頽寸
祿東西分甘吏隱諸公薦拔誤綴朝班勉焉戴巫馬之
星終慮傷尹何之錦豈期寮契迺得石交人謂斯何方
自省濶疎之病吾知免矣將日聞規誨之言卽遂參承
敢茲傾倒

答王秀才啓

銅章在腰遽成俗吏繡段落手良愜初心第褻拂之過
優撫頑疎而甚愧辭所詳及理之固然蓋育才先刈楚
之圖而自古有積薪之歎振夫學政首岐涇渭之濁清
揆以道心猶是鷄虫之得失丐少安此容徐計之

答李秀才啓

江浦長翁文集 卷之三十 十四
披雲之願滿副此心振綺之文猥承佳惠荷衮裒之甚
寵揆樗散以非宜把玩之餘競慙未沫

答任秀才啓

某人學富齒尊鄉邦歸重實浮報嗇士論稱寬緘盛製
以來臨卽卑官而見愬旣形訟牒復繫州符上所行下
不遵行詎非悖戾此有說彼豈無說將起紛爭當少姑
須試容調護若夫拜珠玉之賜敢不謹扃鑰之藏

答陳秀才啓

講惠莊之友義眷予不遺敘孔李之世家葩華有作炷
爐熏而莊誦覺神觀之復還想雖海縣之多材咸遜辭
壇之巨擘喜識度外之士爲是超然之文而勇若犯敵
場之嚴眇乎計學職之末如鄉里閑居之老固合尊崇
然府公試可之人不容擬議至四子之引去尚旬日之
爲期今焉雖欲徇人外此真自無說不意厲賢之地動
爲聚訟之區老夫閱世之多觸處猶吾爲嘆若兄處利
害之表自可勿觀委身當愛憎之鋒遂成辭費敢貢芸
人之誠覲肩種學之心儻翰墨之策勳庶功名之拾芥
書生少年之氣常任已以直前吾宗古人之風必聞言

而樂取

答爲壽諸公啓

投老無成感桑蓬之初載拜嘉甚寵駭珠璧之揚輝諷
玩以還珍藏敢後念向來鼎彝之志慙負可量彼所謂
椿樞之年短長孰計茲勤祝頌良辱知憐

又

數攝提孟呶之貞條逢元命拜夜光明月之賜大尉窮
塗凡再被於光華宜倍增於感戢聽化兒之見處暇計
風花載家集以珍藏用傳孫子

又

肇楚客之庚寅徒紉蘭蕙數絳人之甲子莫振泥塗敢
謂記存過形祝頌直斗牛箕之宿可見數奇聆樊遏渠
之音祇令聽眩

又

正孟呶而以降連蹇何稱讀蓼莪而增悲劬勞是念豈
謂掛弧之日有貽振綺之文褰拂過優凌競罔措連城
增價粲珠玉之晶熒十襲珍藏爲子孫之矜式

謝吳史君爲壽啓

江清長翁文集 卷之三十七
共承嘉問俯記始生貞孟陬而未懷小戍子之何取味
蓼莪之佳什答報謂何誦子墨之溫言凌兢罔措夫何
訾省猥逮衰遲念功名四方之心老懷易感拜牲齊多
品之賜席戶有光聊攄不腆之辭庸謝彌隆之施

答馮祕校啓

變生肘腋幸惡子之就擒契重金蘭屈高情而見諗葩
華耀目鑄誨如丹某人士價媿照乘之珍義風凜荆鍾
之刃赴友人之急怒髮指冠拾縣尹之遺長戕銜袖彼
狂小子肆毒齋生事有司存固君章憂而不手理無衡
决况陽膚喜已得情雖投畀之有餘豈簡孚之容苟敢
蹈失刑之悔仰孤疾惡之心

答定海胡解元啓

偕郡侯之計充賦漢庭刷邑令之羞賴君楚產仍迂高
蓋肯貺新篇細披四六之工奚翅倍蕝之益某人才猷
一敵人品萬金儲爲學以造微發諸文而行遠廣場較
藝駭妙斲之成風餘子汗顏歛罷軍而亂轍寧止主司
之得雋抑知里社之有人居近鵠池舊占羣仙之籍行
升鴈塔高題千佛之名儻小兒遂攀附之私則此老拜

稠重之賜

答葉秀才啓

揖宣州之客深信人賢聆正始之音追還古意駭玩珠
璣之光采頓忘簿領之塵埃盥手以還捫心知幸某人
器資直天下士辭語非今之儒奄鮑照三百年爭傳新
作奏曼猜三千牘盍赴昌期胡尚擔虞卿之簪曾未前
宣室之席風煙嘯傲碣遊漲海之窮鄉膏馥賸殘分惠
飲冰之老令雖曰尋幽而選勝不幾捨苑而集枯奪日
耀芒過領南金之贈汗顏修報滿懷鄭朴之差

答趙縣丞啓

蜚聲直上正切時須舒嘯東來未辭丞負鬱賢者大有
爲之志遂鄙夫願承教之心緘疊紙之瑰奇爲暮塗之
寵賁某官價優國鎮派自天潢玉潤淵渟儲間平之偉
望錦心繡口占游夏之賢科雖簡念於楓宸聊疇庸於
花縣拔薤得鋤姦之意先彼羣儉追風信取道之遙忽
茲一蹶小勒螭頭之步來爲松下之哦豈造物者巧於
乘陽回陽春於飛雪抑聖天子老其才氣蘄竹帛於東
隅姑委身鴈鶩之前佇拭目鷗鵬之化某代耕俗吏識

字老農冒難事而爲邦推舊聞而撫俗書陽城之考兩
閱歲時賦柴桑之歸一勞寃夢事莫難於末勢慶孰大
於得朋政有賴於師資分豈惟於寮契自今以始無小
大而從公夫必不然謂老耄而捨我

與黃運使啓

出綸中禁揭表外臺星省雖虛朝靡惜賢之歎日畿借
重人瞻抗節之華不寧辦集於輸將亟且開明於曖昧
凡今賀幅詎尚虛文敢因竿牘之誠敬効涓塵之益某
官譽傾羣雋代不數人地負海涵抱孟韓之正學日光

玉潔燦賈馬之雄文寢歷仕塗蔚隆朝望曲臺中祕再
與承華軺駕左符一皆上最民庸國論無不優者弊源
害本洞然究之遲唐殿之覆甌土方傾聽首漢京而抗
斧人益聳瞻小待興除卽諧調變夫古今之理施澤難
乎逮下而賢哲之誠行道恐其後時俾天下無窮人吾
公有以自任爲聖朝除弊事清時何憚不爲遽有冒聞
誠幾晉躡伏念某材無所取志不自量幸脫迹於耕鋤
繼坐曹於簿領荷銅墨之畀付欵二載餘爲里閭而憤
梢積滿曾次甚欲伸亢一鳴於當路不覺引紙連日而

成編念敷政詎容不平而賦民乃有偏重下情壅塞蓋
率常叫天莫聞時傑奮亨多不待報政而去王京尹之
剛明有立事可披肝朱制帥之舊故見存理無掣肘慨
操觚之甫竟遽上印以他遷苟尚安愒日之心亦恐重
後機之悔人方失所惟伊傳有納隍之慙世或抱病非
岐盧無肉骨之効今且旅賀燕而交進敢爾挈積蠹而
畢陳細字疎行人講時流之苛禮救焚拯溺我知君子
之本心揆造次以自疑念參差於既往俾替替數千戶
均樂其生則耄耋六十翁畢無餘願瓜時而代尚爲七
月之畱葵葉所傾正竊二天之覆

答李秀才啓

鴈鷺遙行悵防閑之易失春令背影紛謀訴以互興起
釁有由抱慙無已棣華暉映鄉里共推宰木在亡仁人
深惻助公家者過雖近厚感先隴者情或難堪緣小史
岐肝膽厚薄之殊致華宗有參商闔閱之間幸今二難
之旣翁肯爲一夫而凶終不得平而則鳴原情有在小
有言而終吉於義何傷中然謙虛忽此臨辱委驪珠之
照夜無乃暗投顧窮谷之回春良多慶喜

答林判院謝和詩并惠啓

狂言卮出方此內慙妙製鼎來森然魄動向知九守之
特勝倏復一鳴而驚人某官前輩典刑盛時才傑挿架
三萬軸囊括前修付子二百年氣吞我輩而能密韜鋒
穎恬養胚腴眼白對囁嚅翁心期友無言子惟不戰而
善屈是謂神兵至深藏而若虛決非市賈茹伯倫之一
頌笑子貢之多言偶露一斑遽瘖萬馬論交已久居聞
典魏舒之籌陳義甚高豈止見醜蔑之面逮茲呈拙悔
不慎辭使猶惜折楊之歌何以挹破竹之句僭題石鼎
固宜招瓜芋之嘲謬薦豚蹄豈謂詫籌車之滿喜歸裝
之甚富仰友義之叵忘投老山林敢使緘膽之闕追蹤
步武永貽孫子之傳

答王祕校啓

湖南客好肯爲邊郡之畱冀北羣空歛話詞壇之別軒
回小隱袖出長牋顧慙衰拂之過情驚見葩華之奪目
某人探源學海挺秀儒林襞積古今蟠胸中之萬卷琢
雕造化紆筆底之九文前修直與之周旋我輩不難於
陵駕唱集英之第猶是通家追正始之音恣容窺管顧

乃不自爲足借聽於聾在君子鳴謙心每虛而能受然
小人揣已顙有泚而謂何囊錦南旋帆舟西笑江山如
舊載新吟詠之工魚鴈可憑倚俟歸來之訊正切塵譚
之發藥母令詩社之寒盟

江湖長翁文集卷之三十七終

江湖長翁文集卷之三十八

啓

房州交代啓

老涉宦塗可堪跋履情依德宇倍切傾馳行酬披霧之
私庸締合符之契敢攄衷蘊劣具柔緘某官儒者司南
士鄉宗主疏榮桂籍慈恩無幾之在前奏課花封單父
繼聞於多暇策足合霄霏之上題輿姑風月之分今焉
告瓜戍之期繼此抗楓宸之對需扶亨運盡展壯猷某
書社陳人淮鄉冷族服勞州縣笑跛鼈之不前繫夢樵

漁美冥鴻之何慕尚啼飢號寒之迫輕重山複水之行
幸奇蹇之暮塗嗣仁賢之英軌漢河南之畫諾稔聽風
謠楚令尹之告新更資鑄警

郡太守啓

諗官期於天末久切遡風仰德望於斗南行將披霧敢
藉鱗鴻之便庸羞竿牘之恭某官龜鏡羣工範模一世
懿文卓行儼乃祖之高風露冕褰帷躬斯人之司命中
外僕公侯之必復廟堂知旅力之未愆佇膺尺一之褒
優美魁三之慶某儒冠蹭蹬官業迂疎虛名不救於啼
號局步敢期於軒趨彊顏佐郡忘六十翁之衰取道浮
家輕三千里之遠幸吏師之可法仍德宇之焉依縮手
觀俯卽上承宣之課最因人成事與霑飽暖之君恩

答梁教授啓

瓜戍有期付脩塗於去鷁芝眉入夢挹嘉惠於來鴻春
風和氣之滿緘明月夜光之溢目老方殿縉紳之後何
補盛時貧猶服道路之勞姑從吏隱省鳩廳之技念呈
拙以何爲造鴛鷺之羣指掩瑕而有待喜朋簪之將盍
倏雲翰之遠投瑤玖之報李桃曷云其稱玉刀之資礪

錯其自于今

答葉都監啓

心期有在何計秦吳科目是拘遂分肝膽頃公言交口
之見諗果王事同寮之得才人謂斯何吾知免矣某官
東南一雋文武雙優萬卷撐腸謝臞儒於山澤千篇橫
槩抗奇志於伊吾屢魁右學之諸生旋射集英之大策
仕雖地遠勿云禦寇之卑才則時須卽有升華之寵眷
惟老嬾得與周旋日近石交已若弦韋之在側袖銜文
卷不幾珠璧之暗投但知珍玩之爲榮未有絲毫之論

報

答竹山楊知縣啓

驅徬險之車自憐惻日歷班荆之地尤切思賢拜嘉絢
縛之文一洗勞動之歎誦詠數過妙斲庸示於拙工始
終一謙深藏今信於良賈眷惟邑政顧屈時英小爲星
歲之畱需溢鶚章之數竹牛刀之最課看鳧舄之冲霄
自莫逆與友之初已傾意氣豈同官爲寮之義猶斬鐺
磨沐流問之不遺愧修辭之已後

答高司理啓

江浦長翁文集 卷之三十一
戴星無數舊叨府主之薦函披霧有期復拜郎君之教
墨凜然風義逮此衰殘載披繡段之華不覺屐齒之折
某官才猷敏劭問學淵通膝上風流推義方之有自眼
中才雋信餘子之平吞始徐隔坐之除來試問囚之事
念龍門之舊客未肯棄捐勤鴈足之尺書首加存省是
蓋窮塗而得石友不止空谷之聞足音美爽寧惡石之
如息黥有待瓊瑤謝木桃之施匪報爲慙

答尹解元啓

奇英入彀滿副時須大貝充庭有光吏計詫主司之得
雋知支郡之有人某人曾次無塵筆端有口師魯之擅
簡古綽見祖風吉甫之詠清微密傳經旨曩錦標之優
奪茲火浣之重燒掇仙人綠雲之衣平凌月窟尉老子
青眼之舊果破天荒功名啓途里開計日江梅粟玉崩
騰開鵬翼之程春酒湛觴準擬醉龍頭之客

答路上舍啓

不可有二之文喧傳梓里方今第一之選誤聽鵲音財
別榜之見收駭公言之尚鬱長牋拜賜老眼增明某人
優讀父書蔚爲國器當千較藝坐收拉朽之功旅百充

庭合首觀光之客夫何幹鼎而寶瓠真成射目而中眉
燈火可親春秋尚富中虎闈之雋姑令秀造之知歸題
鴈塔之名蓋亦功名之未晚

答王上舍啓

試圍蹉跌雖不偕鄉老之書文力清奇終然動主司之
聽小緩集英之對姑爲璧水之遊拜粲然藻翰之貽識
賢者義命之戒某人經藏腹笥文揆春華姓字壓六州
之英信難伯仲是非決一夫之目顧處下中效已試於
仙方昏似成於金注抱負在我屈信有時雖云小得而
大遺無乃愈鈍而後利太學待何蕃爲重平心作三歲
之畱淄川上孫洪之名拭目看諸儒之冠

答胡學長啓

十年蓄學靜以須時萬里論程此焉進步豫章胡宜於
小用荆玉深愧於暗投眷是勤渠若爲報答知季子之
裘已弊寧不興憐儻監河之粟有餘豈應固惜官曹冷
甚郡計枵然勉爲君謀試小割鷓鴣之肉能明我意聊
助加驥驟之鞭

答路主簿啓

江漢長編卷之三十八
五
三十三
不平則鳴正須審克先入爲主幾亂僞真載欣君子之
得輿聊貸小人之滅趾兩造得情亦其常事一緘敘謝
何乃過謙聽訟貴夫無心察人考其素行居然乾沒幾
成瞰屋於玉川此復致疑豈有酖人之叔子略加詰問
畢見欺誣彼旣厚負荆之顏此姑薄謫金之罰事非獲
已得屢果從者之度君其自今徒行免大夫之後

答竹山鄭宰啓

邑政非人寢成弛廢郵音到眼大尉傾瞻玩辭采之不
凡豈朽枯之可稱某官擅楚材之瑰偉追漢吏之循良
種河陽之花中袖陽春之手製尹何之錦再揮斲鼻之
斤聲華翕載於僉評餘力佇新於積弊揣越俎之無取
喜合簪之有期隻字分華袞之襲何容得此九里借靈
河之潤其始于今

答藥解元啓

鄭鄉小駐仰都騎之雍容繭刺見投略冗官之衰朽忽
衝牙之振響恍葑屋之生光某人雷劔藏鋒楚珩論價
子長少有四方之志越相肯爲一鄉而畱定知達者之
高懷偶動歸歎之逸興舊都舊國話親友之故情某水

某丘訪釣遊之勝處夫何蒙味顧肯臨存袞字拜嘉尉
平生之碌碌錦囊新得尚餘惠之頻頻

答竹山鄭宰啓

牛刀再試一皆飭蠱之規繡段墮前備見鳴謙之意情
借辭而兼厚仕與學以兩優悉諸見聞良用歎服釐拯
既弊每易見功剔攘宿姦尤當謹始惟令君所以施設
在鄙見迺無差殊藥能起死決非下醫奕之取勝或因
敗局如治家者求義方鞭扑之餘稽化工焉暢春事雪
霜之後束濕似非熾矣揚湯如益熱何側聆條教之肇
新已見吏民之改觀不已者神所畏宜終始之屬思過
情乃古所辭顧推褒之非稱方時多病答教後期謝不
敏以雖勤應且憎之寧免

賀淮漕移浙漕啓

已下並代人

澄清之最久達中宸褒寵有加就移內部遠俗喜賜環
之亟邇寮快覩鳳之先載瞻使者之星已近長安之日
竊以舉刺之任分委諸道畿甸之地密邇九重凡激濁
揚清固不輕於畀付然自中及外尤莫重於本根眷茲
右輔之浩穰允繫羣方之觀聽八州餽餉必也不擾而

錢流百吏觀懲要使聞風而心革克甚至重之責孰如
已試之才迹夫所爲優有成效茲由才德之選實曰公
卿之儲恭惟某官德宇恢洪才華秀粹曾武庫而用則
不器手干將而投之成風擁麾都梁旄孺咸依於召父
攬轡淮右衣冠共戴於蘇天載在僉評不容久外江淮
它日被萬福之威名朝廷諸公知弱翁之治行以公自
近由帝深知不寧推按澄之功繼將有禁近之拜某辱
知有素荷庇實深佩印虎城親受故侯之規畫搗風鵬
路尚依先達之輝光展賀未由馳誠徒切

賀浙西漕除總領啓

十行芝檢來自層霄一道使權總之碩德省蘭寓直營
柳回春方遠邇之悚聞翕驩謠而載路乘輶問俗孰遵
前日之教條足國裕民行繼昔賢之事業某官稟絕人
之識爲名世之儒挺薦紳表而雅推獨行之賢讀古賢
書而不爲無用之學棟梁杞梓允謂良材袞繡文章直
其餘事自橫蜚於仕路卽妙簡於宸衷百吏革心咸仰
范滂之攬轡列屯宿飽未多葛亮之雜耕况此常暘之
餘良苦轉饟之梗河流如帶千艘銜尾以莫前粒食比

江漢長翁文集 卷之三十一
珠萬旅張頤而仰待事有至難顧今乃爾賢必已試然
後用之不有一代非常之才曷振此時兼足之策輦駕
以輸河內少畱子翼以給軍根本之固關中側佇鄼侯
之相國要令元勳之冠列辟豈止再見而位上卿某猥
以郡符撫茲淮俗久依風於德宇今賴寵於使臺聞嘉
命之真傳撫微躬而知幸成於自同敗於自異需使指
以趨承滄之不濁澄之不清尚仁人之覆護

賀罕執加官啓

孚號明庭疇庸近弼惟時盛禮亘今昔之未聞推上至

仁遍邇遐而均被况鴻名申述於上聖而鉅筆允資於
大儒驩傳兩宮信示萬世雖文階一級未足爲大臣之
重輕而睿旨四頒莫不竦天下之觀聽云云歷攷帝王

而下鋪觀典冊之傳奉未央之酒者壽祺之幾聞上應
乾之名者紀述之猶陋固已增光信史夸示當時孰若
堯舜共揖於一家稷臯參聯於四輔五福一曰壽衍遐
筭於岡陵大德必得名揭洪休於日月繫鋪張揚厲之
力底輝光篤實之新恭惟某官名世真儒爽邦碩輔躬
持正學傳孔子孟氏之道原鈞播生民如伊尹周公之

聖偶罄欬皆格心之業雍容收論道之功屬皇家洪祐之申休乃太上修齡之衍慶虔修寶冊寅奉慈皇揚德業之登閔聖而益聖紀乾坤之高厚名非常名發輝六藝之情文陟降一人之左右賴良佐之鴻筆成熙朝之上儀帝曰汝嘉爵豈予靳繇廟堂贊襄輔成於聖孝則股肱丞弼可後於褒章惟皇極敷錫厥民宜王明並受其福上德以有德方迎未艾之天休大書不一書倚俟游膺於帝渥某奉親尸祿乘障罔功夢想台光辱在照臨之下眼明郵報不知鼓舞之由自今疊舉於祿容繼

此嗣馳於賀幅

賀周右相啓

誕告公朝廷登碩輔雖事樞久秉終符巖石之瞻而帝載用熙始喜台躔之正晉陟文階之峻陪敦井賦之腴併茲便蕃異數之隆庸示體貌大臣之意偉聖賢之聚會聳夷夏之聽聞恭惟驩慶伏惟某官真儒範時全德踵古心潛聖學得孟氏之正傳道覺天民負阿衡之大任儀仕塗之寢久繫朝望之益深謂周家守成必也資彼上宰而司馬不相何以活我生人願兩地優游歷載

于茲而九重注委惟公是眷能用三傑子房乃帝者之
師襄我二人尚父實聖人之偶一旦正中台之位兩宮
倚泰山之安蓋大賢生世意天甚難然明時論相在帝
不苟旣精神同魚水之契將勳業侈竹帛之傳佇殫經
濟之心用究規恢之略某之衰晚意已彫零辱知最深
係望采切賴德宇之庇居惟引領以自怡聽麻音之傳
想見在庭之相賀屬縻郡寄阻厠客間了知白首之餘
更有洪鈞之託

賀施知院啓

光膺帝制晉陟樞廷上眷日隆國威坐振惟真儒之進
用繫寰宇之重輕雖與政彌年未究經邦之蘊惟本兵
要地正須榦國之賢端宥密於廟堂庸折衝於樽俎茲
聖賢之聚會聳夷夏之聽聞伏惟驩慶恭以某官德稟
兩儀學高千載心潛孔聖得顏孟之正傳文揆漢廷小
淵雲之麗藻雖徧儀於華近曾未究於經綸朝廷知弱
翁之行能久勤注想夷狄問晉公之名姓盍副倚毗旋
奉隆恩入參大政况上謀決帷幄之勝而全國無疆場
之爭儻非登進於儒宗何以密禪於廟筭天開千載一

海湖長翁文集卷之三十六
時之華旦日騰兩宮萬歲之驪聲可無除戎器謹萃聚
之時會當誦車攻繼周雅之詠惟公任此視古過之亟
正位於師臣究惠疇之相業某之衰晚志已彫零辱知
最深屬望尤切竊厦屋之庇仰厚德以依歸聽綸言之
傳激懦衷而踊躍屬縻郡寄阻遙客間託造化於鈞衡
沐恩有地數安間之日月撫已畱年

賀蕭參政啓

誕揚帝綍晉與政機酌公論於朝僉舉真儒而柄用儀
圖袞職之補賢不假於外求調燮太和之元治益新於
輿望宜乎不動聲色端拱廊廟之上可以不建事功媿
儷祖宗之時仰聖賢之相逢格夷夏而胥應伏惟驪慶
恭以某官德稟天地學窮古今道統有傳密受孟韓之
正文宗不墜挽回舒向之醇出則逢辰進將致主雖徧
儀於華顯然尚鬱於僉俞方帝載疇咨冀有禪於盛治
暨王佐大用今始快於公言况鼎湖之莫攀而宸極之
在疚不言罔由稟令茲適亮陰之初告后爾有嘉猷正
賴彌縫之力旣已登老成而立治表是宜尉人心而固
邦基行瞻下相袞之褻當亟正師垣之拜盡推所學高

蹈前脩某適用無堪辱知最厚竊厦屋之巨庇苟託衰
遲聽麻音之真傳尤多踴躍屬縻郡寄阻遙客間卽今
台宿之光第勤拭目繼此翹材之館猶許登門

賀黃察院啓

光奉宸恩晉居言職喜正人之道長翁善類以氣伸雖
砥道坦平尚或徂奇衰之習惟官箴肅示顧敢輕糾正
之司直諒一登邇遐四賀恭惟某官識窮繫表理探古
初經筭潛心不役於無用之學仕塗策足亟疇其有爲
之心蚤副公言漸儀華貫在木契雌雄之掌寧復久淹

顧身府糾察之權旋當小試蓋將端倪天下之治豈止
繩根官曹之違况公朝圖治之勤而聖主求言之切忠
謀讜論必切中於事機致君澤民益大恢於賢業於焉
落衛將之膽魏乎立朝班之心陳儒術帝王之隆躋治
世祖宗之盛致身槐棘紀績彝常蔚爲吾道之光大尉
海隅之望某牧民無補慕德最深方郵報之真傳拊心
期而竊抃河潤九里仰大庇以焉依歲閱三遷嗣賀音
而未洙

賀趙漕應辨山陵轉寶文閣啓

光奉明綸峻陞延閣扈因山之役不日奏功揚渙汗之
除自天紀績朝僉允睦時望益隆伏惟驩慶恭惟某官
學粹一源身兼數器楚珩趙璧世莫指瑕干將鏌鉞物
皆迎刃自橫翔於仕路已妙簡於聖心方使華奏最課
之優而慈極纏上賓之痛惟時竊事倚辦宗英約束陽
侯安流以濟指麾風伯織塵不驚奠真遊弓劍之藏寬
翼室羹墻之念眷惟勞烈孰與擬倫鬱層閣之秘嚴萃
兩朝之製作茲焉庀職副是疇庸翕輿議以稱公見明
時之馭貴某幸同委質况比分臺聆睿渥之鼎來激愚
衷而自慰漬資益峻豈惟奎畫寶儲之司賀幅繼馳亟
有甘泉法從之拜

賀浙東提刑啓

細書溫詔來自中天近甸祥刑畀之碩德藹平日惠慈
之譽尉東人跂望之心辱在同寮深諧素願恭惟某官
自天稟粹經世有爲鳳躍蛟翔冠時賢而屬望龍韜豹
略重國勢以折衝大副朝僉益隆睿眷先周廬之諸衛
嚴扈九重按漢使之六條平反庶獄惟淞民之甚弊幸
歲事之粗豐須公之臨延頸以冀瞻旌麾而動色近繡

江漢長翁文集 卷之三十一 十四 三十一
斧以生春卽看狴犴之空亟正節旄之拜某久違望履
幸此分臺原隰驅馳愧拙勤之何補珠璧輝潤丐警誨
之不遺苟追曠瘼實繫左右

答淮西方漕啓

效官昭代無益公家持節近畿獲依蔭宇揆拙勤之不
補方應接以爲罷未脩記府之恭首拜誨函之賜見存
已厚不敏是慙恭惟某官望重一時身兼數器性姿超
卓稟粹自天學術淵深探原于古逮橫翔於仕路亟簡
注於上心隨用具宜有施皆可揚橋門之教按收造士

之功佐貨府之頒曾靡負丞之歎卽因最課旋昇左符
未建郡牙遽前君席霜蜚齒頰陳兵農富彊之規米聚
山川指江淮表裏之勢益承帝渥庸遣使萃棊布百城
皆樂生之赤子雲屯萬旅有棲畝之餘糧凜如孔明屯
渭濱之師卽見公孫上金城之略入參廟筭坐振國威
盡令車笠之遊從同出帡幪之庇覆某自憐老境外典
祥刑雖原隰不憚於載驅而鰥寡尚虞於無告正資鑄
切冀免曠瘼茲辱朶雲之書但形裒拂遽令覆蔀之室
蔚有光輝

賀潘漕啓

恩言如綉申霈龍光漕計須材重分玉節振本根兼足
之策得中外已試之賢尉邇人觀聽之新孰前日教條
之舊伏惟驩慶恭惟某官氣涵剛大學有本原金鍾大
鏞爲寶固重芝草靈鳳瑞時皆知蒲鞭騰愷悌之謠綵
服奉平反之笑益隆朝望深結主知眷近甸之輸將方
資時彥最異時之讞議允謂老成小遲法從之陞游錫
使萃之賁錢流地上豈惟收富國之功玉立朝端行且
旣格心之業盡摠賢蘊大穆師僉某久矣向風茲焉賴

庇與有分臺之喜良尉願言側聆持橐之除嗣馳賀幅
賀耿安撫啓

帝庭一札之書渙孚睿渥天邑四方之極晉昇時英惟
時皆稔德之民相語已望風而化蓋令行率由於身正
而源清自底於流長聲稱載揚中外交賀恭惟某官學
傳千載用集衆長儲重望於縉紳結深知於旒宸剖符
鐵甕今餘愷悌之思持節繡畿游究激揚之志上念帝
都之根本勢爲天下之樞機適丁空匱之時庸付通明
之彥雖四方情僞之紛集剗決爲難然它日揚歷之在

斯見聞已熟首清俗習枚示教條剔蠹鋤姦行奏趙張
之最師言底績亟參臯稷之聯進輔熙朝益恢遠業某
久依德宇方仰政規衰晚何爲莫追官箴之闕拙勤或
補願分鄰燭之輝

賀李察院啓

有命自天誕推渙渥得言之地登晉正人由睿眷之東
求亦清朝之公議邇遐萬口驩喜一辭大忠將自是以
復君善類固於焉而吐氣恭惟某官妙窮道奧識造象
先學蓋得於家傳材畢周於世用六經斟酌揖古人而

與俱多士楷模繫君子之自任一從仕進藹著聲稱奏
馴雉之祥屏書姓字聯乘驄之屬氣壓權豪溫乎白璧
之無瑕凜若朱繩之不撓方聖主布惟新之政念臺察
須特立之賢矧時望之在公允師僉之自昔盡行所學
其始于今大正官箴翕朝綱之肅穆苟開言路屹治具
以恢張佇參變理之權庸輔盈成之治某依仁有素荷
庇益深身府生風已絕豺狼當路之歎魚封頌德少伸
燕雀賀厦之誠方事使軺之馳阻趨賓幕之下

賀黃正言啓

江漢長集卷之三十六
十七
三七一
渙奉詔音晉司言責楓宸妙東素高難進之風袞職方
虛庸付弼違之託非正臣無以立治表而老成所以重
典刑遐邇聳聞縉紳交賀伏惟驩慶恭惟某官昂精孕
秀崧嶽降靈正大之學踵躡前修淳深之文表示後進
久儲時望旋上仕塗中外踐揚雖宰字勾稽之細曾襟
抱負皆經綸鯁挺之奇果妙契於宸衷俾橫翔於諫省
惟平時涵養發固不苟然當世利病講之已詳雖四方
咸稱已治之時在庶務豈無當言之事明目張膽吐論
有可回之天考古驗今致主立無過之地非徒君可而
臣曰可所謂言行則道亦行亟躋禁嚴用究康濟某焉
依有素欽佇匪今正人得路之云初盛世迂衡之可卜
展盡二百奏行卽繼鄭公之愛君不言凡七年可復爲
陽城而著論限以驅馳原隰阻遠門闌喜雖倍於他人
進莫借於賀客

答湖南憲啓

聖世謹刑上心重遠輟中朝之賢傑敷南紀之教條列
郡謳謠想已在春風和氣一時畏愛顧何用柱後惠文
某官材重杞楠氣涵金玉汪洋有本之學隨用而宜懇

江浦長集卷之三十六
十一
三十五
惻利人之心益推所愛久矣僕晉卿之日茲焉占漢使
之星乘輅小駐於湖湘補袞亟還於槐棘某拙勤不補
瘵曠是虞引領平反之風依依朕夢盥手褒拂之語一
一過情

答常守啓

朝廷擇收宸慮優賢寧容遠次之需果有近藩之拜方
賀誠之未展忽問幅之見貽把玩再三競慙千萬某官
稟清淑之氣爲通練之賢翱翔仕塗詩書用之飾政術
翕赫課最姓字久矣結上知盍冠壓於朝班况低回於
家食惟毗陵之名郡居浙右之要衝千里向風薤水亟
孚於美化五日報政絲綸佇下於中天某誤叨聖恩尚
殿朝著鷗盟未替歎夢境之空勞魚素鼎來愧袞褒之
甚寵

答淮西漕啓

來啓謝制語褒子

命下九重身紆三組天子念循良之寄其任匪輕詞臣
居潤色之司每慙不稱夫何拜賜有此過情某官名高
斗南價重天下蔡澤之於富貴當自取之杜陵之論文
章猶小技耳望實久孚於朝右忠誠深結於主知茲出

江浦長翁文集卷之三十六
紆於帝宸俾乘輅於淮甸惟形勢表裏之地非賢不居
而絲綸斧藻之言其才難彊聲宏蓋由乎實大思遲未
見於文工泚筆特書方申顏而自咎開緘敬讀幾袞字
之過褒重良孫三昧天子念孤身之寄其才非到臣等

答鎮江葉守啓

輟從近侍出領便藩堯文儲東壁之輝榮參禁直禹甸
重北門之寄庸荷顧憂念賀幅之尚稽愧誨函之先辱
恭惟某官爽邦碩德名世真才探正學之淵源躬斯文
而經緯踐揚中外如庖丁之善刀獻替禁嚴仰山甫之
補袞儲列辟之重望結兩宮之深知瞻尺五之天共須
秉鈞之拜疇百二之險自詭殿邦之行惟鐵甕之名城
實天朝之巨屏賴宗工之作鎮重國勢以折衝側佇揚
舲卽承開府吳公本漢廷右載上民庸安石如蒼生何
行攄相業某才多違世仕不先人方攬轡而驅恐拙勤
之不補藉爲寮之益庶瘳曠之或逃茲引領於州麾冀
分光於鄰燭有如不敏猶或見容

賀林殿院啓

榮膺宸綍與領臺綱著定聯華夙已期於戮豸權豪屏

江湖長翁文集卷之三十八
息茲相戒以避驄正人得時善類吐氣恭惟某官儒英
輩古德操範時掩文價於二京探道原於六籍學充而
富視趙孟之欲然氣養以剛過孟賁而遠矣自通朝籍
深簡皇心冠六察之司雖參持於邦憲圖一臺之正方
注委於時賢帝曰汝嘉誰處公右然施於事者繫所養
而裕厥德則優於言眷望實之已孚翕班聯而歸重風
采所厲孰非默就於表儀官曹之清政恐不煩於繩治
懿綱醲化坐臻載歌東府西樞尚有虛席行試調元之
手盡酬及物之心某一節服勞萬間席庇傾瞻德宇夢
亦繫於臺島阻遠賓墀賀徒深於厦燕

江湖長翁文集卷三十八終

五賦是余文集卷之三十六終

古詩採覽時梅文

不學之司能

亦疑外臺身

亦疑外臺身出京實戰賢於將代更燕

江湖長翁文集目錄

宋高郵陳造唐卿撰

明海鹽王廷俊君英校

三十九卷

醮疏

祈雨雪疏二首

觀音殿謝晴

祈雨疏四首

諸廟謝雨

祈雪四首

真武殿疏

祈雨疏六首

觀音殿祈晴疏一首

罷散疏一首

祈雨疏四首

聖節放生疏

開啟天申節寺觀疏

滿散疏一首

聖節功德疏二首

高宗康豫滿散疏

大申節疏六首

開啟几筵道場疏

滿散疏一首

進功德疏

小祥開啟觀疏

五月二十一日道場疏

高宗大祥開啟疏

滿散疏一首

常平司開啟疏

功德疏一首

滿散疏一首

大祥滿散疏二首

提刑司開啟小祥疏

滿散疏一首

皇太后大祥功德疏

開啟疏一首

罷散疏一首

龍母疏

爲徐南卿乞米疏

房州辭廟疏

停推疏三首

古城寺僧化十八羅漢疏

光孝寺建佛殿疏

神居山寺興三門厨堂疏

小疏一首

砌階疏四首

尼求度蝶疏

建龍廟疏

砌街疏一首

東什迦院建山門疏

請長老住山疏十首

青詞

天申節青詞二首

薦兄青詞

青詞

真武醮青詞

太乙醮青詞二首

祈雨青詞

上元青詞

薦嫂青詞

女在蓐設醮青詞

四十卷

致語

天申節致語

對廳

王母致語

對廳

平江府天申節致語

王母致語

通衢致語

趙守燕王漕致語

鹿鳴燕致語

石湖生日致語

廳事落成致語二首

交代致語二首

待衆官致語二首

喜雨燕致語

交割州事致語

宴新守致語

任滿交割致語二首

燕卿守致語

上梁文

懷莒堂上梁文

定海縣廳事上梁文

激犒庫上梁文

臨澤常住院上梁文

卷之四十目錄終

江湖長翁文集卷之三十九

疏

祈雨雪寺疏

雨雪愆期民人告病咎由吏職憂甚頭然懇祈不憚於
再三感格庶幾於萬一冀諸佛無方之應錫以有年喜
六花盈赤之祥始自今日佐春工之發育起壠麥之焦
枯密賴等慈是蒙休應凡一穀不熟謂饑少息凶年極
負之悲自三日以往爲霖更迎嗣歲金穰之慶欽惟悲
願洞鑒翹誠

江漢長翁文集 卷之三十九
賦同祈雨雪觀疏

麥苗告病由雨雪之愆期吏職所憂仰昊穹之是禱屢
殫蠲潔有冀感通見睨瀟浮喜崇朝而汎洒罔時恫怨
慰嘉穀之焦枯荷陰隲於神休凝至和於歲事旣沾旣
足生我百穀佇可期盈尺之祥是穠是藂必有豐年庶
無復荐饑之歎是伸謝悃願鑒丹誠

觀音殿謝晴疏

有生實難一氣運行之或戾無劑不現羣靈依怙於等
慈自冬而春不雪卽雨嗟民愁之已甚願人力以何施
殫我寸誠扣彼夫士宏誓善應欸桴鼓之感通新陽發
生喜煙霾之解駁挽回和氣播作懽謠梵音觀世音不
替利它之願人樂與衆樂佇迎嗣歲之祥

祈雨觀音疏

久旱爲憂斯民抱倒垂之病無劑不現大士有宏濟之
仁肇告丹誠卽蒙休應油然雲沛然雨且蘇槁乾林而
生愨而羣庶絕愁歎是伸昭報少答洪私更推三日爲
霖之功迄終百穀用成之惠我相衆生相寧間自他梵
音海潮音普同依怙

音義又音普同本卦
旱氣赫然民情憂甚禮嚴祠祭念丹誠籲天而莫通教
在音聞惟大士應聲而必赴寅羞靜供哀扣能仁伏願
辭補陔內院而尉依怙心視光福報恩而無去來相大
雲澍法雨蘇百穀於悵焚膏澤多豐年寬九重之憂顧
解散祈雨道場疏

比緣久旱祇扣能仁赴初願之利宅答微誠而應供漂
然汎灑雖粗尉於民情尋亦槁乾恐竟傷於歲事敢勤
法馭久駐城闈猶冀等慈不忘終惠油雲沛雨寬聖上

宵旰之憂應物現形賴世間慈悲之父
善事祈雨蒲散疏

時雨愆期稼事告病哀民愁之已甚邈帝眷之未回虔
演仙科迄終醮席恭願一下霈然之澤載矜蠢爾之氓
三日爲霖尚奏豐登之慶兩宮稱壽頓寬宵旰之憂嘉
與海隅永依道蔭
夏農諸廟謝雨疏
雨不以時禾將枯槁吏方修崇神罔怨恫霈然甘澤再
此沾滋蠢爾生民一皆鼓舞又時暘肅時雨猶賴節調

比如櫛崇如壙坐凝庶富少伸昭報仰答洪私疎前臨
 雨不觀音殿祈雪疏吏外崇輒因感剛霽然甘澍再
 良農望歲卽雨雪而驗年豐大士能仁以聲音而作佛
 事凡其副感曾不遺聞蠢茲郡民跂彼瑞應冀圓通之
 示現祛氛稜以潛銷蟠地際天同一雲而布潤耕田鑿
 井慶盈尺以爲祥密賴等慈俯矜衷悃瘴谷蠢爾之思
 祈雨真武殿祈雪疏吏外崇輒因感剛霽然甘澍再
 雪事缺如揆時已迫天神貴者有感必通眇爾哀誠敢
 茲控扣眷惟吳郡密近都城日邊盈尺之祥已書史牒
 境內兆豐之望未愜民心仰冀洪私俯垂哀祐同雲灑
 潤達誠意於九清嘉瑞應期告歲功於三白

佛寺祈雪疏

天未雨雪歲序將窮佛之利生人心所怙仰冀等慈之
 妙力挽回洪造之至和俾右湖左海之區屢豐尉望凝
 友風子雨之氣盈尺告祥欽惟兩足之尊亟副羣情之
 願

滿散祈雪觀音殿疏

雪事愆期郡民告病惟菩薩大慈悲父具佛子不思議

江漢長編文集卷之三十一
心致此懇祈密冀能仁之力溥然汎灑未收潤物之功
憫我投誠庶其終惠

真武殿疏

時將發春雪未應候守臣軫饑疫之慮夕惕疚懷真聖
幹造化之機心存濟物粗效廻翔之勢未收沾洽之功
冀達彼蒼克終此惠

真武殿祈雨疏

歷時不雨農以軫憂在天之神職司兼濟矧無幽而不
燭信有禱以必從伏願訶畢宿以騰芒叱龍公而起伏

自三日以往霈甘澤以沾滋靡一穀不登底斯民之富
庶誠或交於水位祥冀兆於金穰

銅像觀音祈雨疏

適長羸時民嗟久早有慈悲父誓濟含生儼補陔海上
之睟容罄索訶世間之真禱伏願辭獅子座覆以慈雲
倒龍伯宮霈爲蜚雨體九重之宵旰息比屋之怨咨仰
冀遺聞永依慈怙

諸廟祈雨疏

歷時之旱闔境其咨念平時奉嘗之神是所依者於斯

注湖長翁文集 卷之三十一 五 二八六
民僅歎之感渠能恣然躬卽靈祠瀝陳懇禱伏願體當
宁之意護國不忘圖嗣歲之功籲天有請鞭起羣龍之
伏霈爲三日之霖坐俾邇遐迄臻富足

自三祈雨真武滿散疏
旱氣蘊隆人情跼躅念彼大士應身剎塵仰惟能仁赴
世哀籲茲嚴羞於淨供庸申控於洪慈現聲音圓通諒
自他之不隔澍甘露法雨俾焦卷之立蘇佇俟有年庶
幾本誓

穀今就枯雨不時霈仰惟真聖幽必燭而願無不通矧
今盛時人何辜而旱旣太甚肆申控扣所冀哀矜可無
普潤之功用解倒垂之望

祈雨諸廟滿散疏

政奸陰陽雖吏之責物底疵癘亦神是憂比殫請雨之
誠冀動依人之鑒敏有甚於桴鼓庶或感通望方切於
雲霓倚霈况施

觀音殿祈晴疏

豐年在望久雨爲裁抱饑饉憂莫尉懷生之願有慈悲

父密推度厄之仁是敢控祈仰資哀佑伏願掃清沴虐
揭作祥曦膏澤多豐年節淫霖而不害慧日破諸暗俾
嗣歲以應期

始冀罷散疏

雨執連縣民情跼踖仰福神之儷極輔鴻造以好生觀音

殿云赴索訶世間之諸苦賴補陀大士之能仁神廟云惟神抱正直之德輔帝底施生之功庸訴哀

誠已羞淨供宿雲解駁喜后土之告乾朝日暉萃爍羣

陰而盡掃迄成豐歲仰賴宏休中興也冀哀憐

福溪巖祈雨疏山神真聖幽心而願無不

小郡罹慘焚之旱屢羞控祈至人以利濟為心肯厭塵

黷躬造棲真之地冀施起廢之仁伏願俯光明臺宏悲

願海察下吏熏心之迫尉斯民戴目之須起潭洞龍眠

濡三日為霖之澤與里閭爵躍沐一時起死之恩

志公巖祈雨疏

繆政奸和遂底常暘之沴至仁惻物屢殫歸命之誠雖

響應之不遲終屯膏之未溥爰茲謁款所冀感通伏願

推願力之洪深悼民生之困弊起睡龍之久伏布作蜚

霖掃旱魃之如焚迄臻中孰

霖雨祈雨開啓疏
多稼在田歷時不雨嗟民愁之已甚邈帝眷之未回虔
演真科冀迎景貺伏願鑒含生倒垂之病推妙造宏貸
之仁霈三日之霖俾嘉生之翕應餘三鬴之食尚中孰
之指期庶令邇遐盡免捐瘠

三祈雨滿散疏
田苗槁矣雨意邈然已虔演於仙科庶默可於帝眷伏
願鑒藻芹之微薦鼓橐籥之至和導迎休祥翕楚氛之
盡掃霈作膏澤茂湯旱之為憂嘉與天民同依道蔭

聖節放生疏

千齡聖運喜當震夙之期四海恩波徧及蜚潛之類推
好生之帝德縣有永之壽祺日運長明乾旋不息得一
以正施帝祉於子孫於萬斯年扇仁風於動植凡鳶蜚
而魚躍率天施而地生儷美商邦已開三面之網告符
嵩岳更聞萬歲之呼

開啓天申節寺觀疏

繞電之祥有開華旦後天之祝旁暨寰區預演仙科
佛乘冀通帝意伏願 岡陵等固箕翼儷明新又新而聖

江海長翁文集 卷之三十 七
德彌隆朔復朔而帝齡滋永一星有耀煥丙度以丁躔
萬壽無疆同天長而地久

滿散疏

候屆長贏紀珍祥於夢日歡均普率祝睿筭於後天虔
演仙科佛乘增美神筴伏願 蘿圖益固玉曆長新聖
子神孫日嚴於備奉玉卮寶冊時講於盛儀洪祚丕延
靈椿不老撫重熙之聖治帝王無得儼倫錫有永之奇
齡天地相爲長久

聖節功德疏

里社一鳴兆聖君之有作萃封三祝縣睿筭於無疆演
仙釋之秘科瀝臣民之至懇 蘿圖鞏固玉曆延洪龍
樓五日之朝朔而復朔金鑿千秋之籙新以又新晏享
平康茂隆貺施建極而歛五福丕顯重熙後天而彫三
光自然不老

又

慶叢慈極晏享康寧恩霈寰區率均吁舞申演仙科寺
佛乘之秘密益祈睿筭之延洪伏願 周曆又新莊椿不
老膺穹祇之錫美綿帝統以儲休宇泰內融小廣成千

二百歲壽祺滋永齊人皇萬八千年

高宗皇帝康豫滿散疏

聖神之御六氣節宣有宜天地之薦百祥敷佑惟謹已

虔羞於淨供庸欽祝於脩齡伏願 誕受殊休益隆多

祉豈但松筠之等茂抑將箕翼之並明塵外鈞天皇極

備九五之福壺中浩劫靈椿閱八千之秋

天申節疏

慈極上賓遽結終天之痛南薰應候載臨誕聖之期凡

屬生成益深摧感惟竺乾勝文顯有妙果而冥陽淨供

具嚴秘科少資帝所之遊式藉佛乘之力恭願 圓成

妙覺密證等慈偕諸如來同入性海與大天帝均福世

間演椿筭於九重鞏蘿圖於萬祀

又

虹流啓慶適謳歌歸禹之初爵躍均驩若富壽祝堯之

始一寫臣民之願兩着仙釋之科三玉曆長新蘿圖允

固玉卮奉兩宮之壽孝治旁孚金鑑兆千秋之祥帝齡

滋永下暨可封之屋無非躋域之民

又

天開禹子載臨震夙之期民祝堯齡外薄坤輿之遠式
嚴仙佛之供必答君父之恩恭願丹箕翼並明岡陵等
固兩宮備養玉卮奉萬歲之觴四表來同金鑑上千秋
之籙小周齡之與九符嵩嶽之呼三王祖是殊恭願
聖又
虹流電繞兆帝命以維新鼇抃山呼祝聖人而有請式
嚴佛供觀云 奠演皇齡恭願 周曆長新莊椿不老玉
壺奉兩宮之養金鑑來萬國之朝松茂而川之增孰知
其極天高而地蓋厚相與無窮

又

渚告瑞以流虹載逢華旦葵傾心而向日請祝聖人羞
二氏之秘科演萬年之遐筭恭願 蘿圖增固寶曆無
疆聖子神孫緜慶源於寶祚玉卮金鑒叢樂事於壺天
桃薦西真星明南極象教六十小劫歲歲梵筵莊椿八
千爲秋日新慈訓

又

夢日開祥自帝心之眷佑望雲拜手罄海宇以歡呼虔
羞仙釋之科仰祝岡陵之筭伏願 受天之祐如日之

升鳳闕承顏永享三朝之備奉鷄竿肆赦佇看再舉於
上儀光浮南極之星筭衍西真之籙六十劫住世與佛
日以比明八千歲為秋等僊椿而不老

開啓几筵道場疏

諱屬慈闈痛天傾之莫救哀纏率土紛雨泣以何追虔
演僊科寺云佛乘冀資神馭伏願儼威顏之如在凌灝氣
以超然夙駕玉京乘雲金景翱翔穹昊超十地之真遊
敷佑宗祊施萬年之純嘏

滿散疏

抱終身之痛莫報深仁畢三日之哀式遵遺制茲嚴梵
設寅奉真游道士云茲嚴仙供寅奉神游伏願覺性長圓威顏如
在逍遙帝所友泰紫於九天保右皇圖綿子孫之萬葉

進功德疏

違大安之朝賔天浸遠抱鼎湖之痛扣地無依聊憑二
氏清淨之科少答三紀生成之賜伏願凌紫清之勝
境了解脫之真乘逍遙帝鄉作天僊之依怙保佑皇業
等箕翼以綿長胥暨民區咸蒙祉福

小祥開啓觀疏

江漢長翁文集卷之二十一
虛與慶之至養歲敘已周演道

寺云之祕科臣心敢

怠庶憑僊供佛力仰奉神遊伏願佛力悟性象先宅心塵

表入無出有參羣帝以獨尊證聖成真位九天之最上

寺云超證一乘俯參羣帝慧嚴常住赫佑慈基統固等

慧日以中天慈觀現圓敷慈雲而覆物

岡陵天之恩實天靈氣五月二十一日道場疏

物外僊遊莫攀真馭人間鳳紀游屬休辰傾下臣悼慕
之誠羞內典密嚴之薦伏願性天慧日湛若圓明法
海慈航普茲濟度超證先諸佛之覺翱翔儼羣帝之朝

厚祉福於兩宮睿齡有永鞏安強於四海盤石彌堅

高宗皇帝大祥開啓疏

燕高廟之靈已終祥制演金僊之教觀云演琳寅奉神

遊心則御嫌然誠惟顯若伏願名妙融真覺高步上清

謹歲時之朝萃十方之僊佛駢福祉之集繇百世之本

支胥暨邇遐亟蒙保佑

滿散疏

堯服有期民猶雪泣夏時已駛禮謹祥除羞祕典以告
虔適靜筵之竣事伏願 遨遊仙界怡燕梵天受羣帝

之朝金闕玉京之秘遂施萬年之祉神孫聖子之綿延
借此函生晏然蒙佑夏報日想斷新無刻盡無典以

常平司開啓疏

堯仁所被痛隔仙遊禹服攸同奄經祥制羞供鳳驂之
馭揭虔象教之文觀云藥笈之文伏願超證真乘騰凌灑氣
十地賢聖謹時敘以來朝萬年基圖傳本支而滋永

功德疏

藏高廟之衣冠可勝悲慕閱夏時之寒暑奄及祥除庸
羞仙釋之科少為君父之報伏願妙融覺性超遂真

遊玉京金闕之秘嚴環羣仙而高拱聖子神孫之蕃衍
緜億載以無疆昏暨天民同躋仁域

滿散疏

高廟尊安悼神遊之寢遠堯民哀慕茲祥祭以告除已
羞秘密之文庸罄攀號之意伏願證佛之果與天為
徒九清十地之秘嚴儼四朝之仙佛兩儀百靈之保佑
傳萬世之子孫凡他時之望雲沐遺澤而躋域

滿散大祥疏

服堯之喪奄屆祥除之制體舜之慕敢稽薦盥之誠已

歲梵筵仰資僊馭

觀云羞淨供於琳宮碑微誠於僊馭

伏願

具古佛智

與造物遊八境九清肅來朝之羣帝三乘十地環歸命之諸天綿有永之本支施無疆之祉福

小祥罷散疏

慈闈結戀祥制告期仰資仙界之昇已演佛乘

觀云道流

之

祕伏願洞明覺性妙證真常飈馭為九天之遊頓超無上蘿圖鞏百世之永敷佑彌隆

提刑司開啓小祥疏

攀親馭之龍髯痛之甚者閱天時於駒隙祥則

御嫌然

虔演佛乘

觀云道科

用殫臣禮恭願

佑上帝之座御羣帝

之真遊尊中天之居統九天之仙眾鞏洪基於百世浸

厚福於黎元

滿散疏

悼典慶之虛養倏攝提之告周敢竭丹誠已羞淨供伏

願 凌玉輿於沆瀣造物與居拱金闕之祕嚴眾真咸

衛用翊扶於寶祚措富壽於仁民

皇太后大祥功德疏

違長樂之朝痛纏宸極諏攝提之運甫屬祥除虔羞仙

釋之秘嚴庸罄宗藩之控扣伏願聖性融妙覺聖證自
然寥陽帝宮肅衆生之拱扈極樂國土卽上品以超昇
誕敷嘉祥均被生齒富壽然

開啓疏

月律初望適三官下降之辰仙科謹儀祈千里亟蒙其
佑仰鼓桴之亟感憐耕鑿之含生嗣享豐年連薨甘四
鬴之食熏爲和氣鼓腹共一臺之春於樂聖時永依道
蔭具

罷散疏

民已樂生盍迎嗣歲月云初望敢控丹衷茲演仙科仰
通帝意冀衆真之敷佑盡滌愆尤俾百穀之嘉生坐臻
富庶

龍母疏

神休所庇飛空專普潤之功廟貌有嚴闔境肅誕彌之
慶爰因穀旦庸葺淨筵伏願俯答民心仰尊帝命俾右
湖左海之俗嗣享豐年絕鳴條破塊之虞迄成樂土冀
誠孚於膺響當歲薦於旨嘉

爲徐南卿乞米疏

徐南卿行身如魯男子傲世若西山夫九守窮途駢來
奇禍方越石父墮縲繼誰其乘駟以請之暨王參元赭
垣廬深愧焦頭而救者坐觀枵腹誠復何心此客不無
覲知已之逢老子未始為強人之事茲焉破戒政自犯
嚴若富家翁於寒士謂何輟凶年穀亦古人難者想去
彼取此所以輕千里而來俾虛往實歸庶其慰諸公之
意

房州辭廟疏

兩書下下之考民免怨咨一荷冥冥之私事無瘳曠茲
申控扣庸冀保綏伏願俯恤微生曲垂終惠楚氛迄息
病軀新藥物之功江浪不驚晚境畢鄉榆之樂

停推疏

體上心之止辟兀職惟勤底郡政之空囹收功有自庸
羞釋供少答君仁繫吳要衝自昔都會鼠牙雀角雜然
難明玉律金科使之易避至邦人之不犯由聖化之已
孚敢憑諸佛之仁益熏協氣俾無一人之獄苟暨普天
欽惟等慈俯鑒昭報

又

江浦長翁文集卷之三十六
布宣化之教條載更歲鑰捐問囚之箠楚三啓梵筵由
君德之好生底郡民之遷善茲嚴淨供庸導至和敢輕
兩獄之平反虔副九重之欽恤冀絕向隅之泣劄也盡
心庶陶遜畔之風使之無訟仰惟妙覺鑒我翹誠
蓋繫又少谷法才繫吳恩商自昔德會局下
御衆以寬方聖上推好生之德得情勿喜致郡民孚遠
罪之心虔羞佛供歲已再三仰報君恩意希萬一載仗
竺乾之秘教俾陶建德之純風凡曰含生微一夫微纏
之繫庶幾盛世追中古囹圄之空

古城寺僧化十八羅漢疏

十八尊宿湛然圓通大千衆生咸所依怙欲寫國清寺
具足體請看古城僧精進心當有達人助此勝事我相
壽者相莫生一點自它佛身聲聞身要是大家香火無
量因果便須承當三門攝受

光孝寺建佛殿疏

有唐名剎合盛於熙朝大雄秘宮劣存於故址劫火歎
遭罹之酷精藍墮寂寞之濱住持更幾人叔出季處之
靡定經營不一日銖積寸累之有涯未免小舉而大遺

江浦長翁文集卷之三十一
幾成置本而徇末儻黃面老之像設弗獲所棲則舉直
師之願心得無遺恨多助良以得道成事不嫌因人仗
四衆之信心還千齡之壯觀繼今晨香暮火永燕徽
祖在天之靈凡其片瓦尺椽無非給孤布金之惠

量四神居山寺興三門厨堂疏

嚴法席之扃要爲安隱除食輪之地尤戒因循按爲郵
郡之主山昔有神居之佛屋荆榛粗剪宛如劫火之初
日月其除良切鄉賢之恥茲宜急伊蒲塞之供豈特謹
鐵門限之防冀舊觀之兩新賴信人之多助繫萬人
不費之惠何妨信手拈來追平時輸負之功會見從地湧
出更辦羞福德藏式用答喜捨心

小疏

戶屨罕前炊煙無寄寧惟興衲子之歎亦以重賢者之
羞捐杖頭錢八方俱祇園之衆領聲前意一諾敵季布
之金

無師建橋砌階疏

長路安行要免衝泥之病飛橋徑度更寬迂步之勞兼
二者以修營實羣情之願欲陶埴灰石亟收鼎成之功

江清長集卷之二十九
傾橐捐金富有度外之士

廟路砌階小疏

嶽神行殿郵郡左方遙千里以乞靈情不已者俾萬人
之安步利其博哉冀遂甃甃之功可無揮金之士

砌街浚渠疏

潔汗通塞弗爲胡成出力捐金有唱斯和眷此嬉遊之
地久興湫底之嗟浚溝闢塗兼居者行者之公願陶甃
礱石豈日計月計之近圖鳩六十餘丈之工會千五百
緡之費得人任責指日告成凡履蠟之經行冀慳囊之

小破

安樂院砌階疏

人間坦塗本無不可脚底實地茲豈徒然欲免傍險衝
泥政須因人成事毋使葛繁方便專美有聞自今持地
圓通見成無礙當四集揮金之手看一新甃甃之功此
去大家安行要是一段奇事

尼求度牒疏

出家是大丈夫事允屬當仁得度以比丘尼身要須本
色人能贊喜誰不圓成看我擔囊遍于無尋大士佇君

指廩證果清淨法身一何合頭萬金唾手是居士許

出宋建龍廟疏事次風當二時更以出立式其要本

分一勺之清甘澤為豐樂下九重之褒錫用赫威靈昔

假郡符實膺神貺茲大新於祠宇庸仰副於上心敬捐

毫分以助樸斲留四集財金之手示一燕贊贊之此

砌街疏

街雖近於新街巷猶悲於陋巷拖泥打水孰不苦之運

甃聚沙今其時也各自勉力那不通津念向來傍險衝

泥涉患者而後知樂繼自今行商坐賈徐步亦可以當

車一諾雍容大家方便

東釋迦墳院建山門疏

釋迦古刹何必舊基長翁門僧聿新保社在我欲起門

戶入手便有規模更憑信人共贊勝事人家高廩又何

惜一囊錢禪窟不關要共入三麼地

請機簡堂再住隱靜疏

桑下作三宿畱孰知非住佛法在一切處拈起重新世

未免過現心我自無去來想某人法門標榜祖籍棟梁

喉中作金毛聲指端現無縫塔一色打臨濟鼓笛舌下

江湖長翁文集卷之二十九
風生十載坐杯渡道場學者蟻慕雖萬年龍象力挽而
少駐然五峯猿鶴猶覲於歸來暮鼓晨鍾前日見成調
弄拈槌放拂入手更覺精神速來和一鉢之歌要驚裂
羣魔之膽不須擬議便請承當

請崇老住開元疏

住山規模僧中當得本色續佛壽命聲前已露真機重
把布袋頭解開不妨門限鐵踏破雷音一震雲衆四馳
崇公臨際正宗簡堂嫡子寶王殿上珠璧騰輝獅子窟
邊狐狸屏迹雖曰刳心契道蓋嘗出手爲人殺活二機

喧靜一轍廬山滿眼幾於古廟香爐與國開單條現長
空霽月載辭普化小憩吳門與其作萬壽西堂僧孰若
爲開元東道主況燕國夫人崇福之舊固自見成爲符
離居士折簡而來有何不可尉一時之龍象示四衆之
梯航作用斬新分明拈出嗣釋迦三百餘會定知絕後
光前祝人皇萬八千年看取感天動地何須退避亟爲
舉揚

請修老住能仁寺疏

祝聖道場豈容虛位住山尊宿要是當人只今祖席生

江湖長翁文集卷之三十九
風何止禪和披霧修公打臨濟鼓笛立或庵門庭面壁
少林靜中已成饒舌開單安吉鬧裏正用藏身拳棒頭
盡是工夫自它相更無縫罅孤雲瞥去初驚沒面目阿
師萬牛莫回方信硬脊梁強漢殺活妙用捲舒自由雙
塔昔遊况嘗作三宿計洞庭冷坐無乃墮一色邊好來
作能仁住持恰與示叢林榜樣不須擬議徑辦行纏現
掣電機穿象教諸方之鼻趁流虹節拈吾皇萬歲之香

請義老住褒親院疏

能仁道場已請箇烈挈疆漢陽山勝處又須得本分阿
師來爲故家住持共作宗門壯觀義公喫長安飯傳祖
師衣坐斷諸方葛藤打動古佛關捩獅子哮吼有聞必
驚鑊耶鋒鋟何待已試惟吳門褒親之故剎廼相家崇
福之名區要須若人付以是事且輟鳳城之應供來登
麈坐以接人抹月披風好傷仙泉濯足拈槌放拂更教
龍母點頭

請昇老住廣惠疏

祖令方傳詎容厭鬧縮手世緣未了要須打硬到頭不
妨兼利死生豈可強分南北昇公廣臨濟流派秀應庵

宗支震大雷音野狐喪膽示正法眼古鏡當臺纔辭聖
壽叢林又主華藏法席堂堂攝受色色見成惟廣惠之
精藍護中原之義冢忠魂勇魄委安陰宅之藏孝子順
孫與被漏泉之澤虛席以待冀公肯來重現舊時風流
燈燈不昧普答此間幽顯局局長新便請承當不須退
避

請克老住瑞巖疏

爲一大事不妨遊戲世間愍四衆心未可棄置度外雖
曰因緣有待要是收放自由肯堂長老得臨際正傳受
止庵密付孤峰頂上打坐開雲莫羈十字路頭接人白
月遍照一音振響五天屬心作石佛主人禪宗欽仰領
精嚴法席祖令斬新豈容呼猿洞前便做省事人過緬
瑞巖之孤峙秀鄞水之落東雲山邃深厠上刹之數海
嶠密邇接大士之家勝境正須得人方丈卽今虛席副
我渴想冀師肯臨飽聞信手之方圓願觀游刃莫負隨
身之筭木祗麼抽頭

請堅老住乾明疏

保社寢衰卽日要須振起禪翁已試知渠未易荷擔覲

江海長翁文集卷之三十九
面似許作家袖手豈容閑地堅師長老挈提正教照映
叢林曹洞法窟前作金毛獅子吼密庵棘林裏藹優曇
鉢花香古祖席特爲賢守一來新寶熏當效聖主三祝
宿緣不苟新乾明與換舊乾明衲子知歸東道主今爲
西道主徑煩敷坐且省打包

請長老往乾明疏

古寺規撫荒涼已久道人行止收放自由要其沒滋味
禪乃見硬脊梁漢某長老傳正法眼現比丘身向來出
手爲人未始縮頭辟事披風抹月曾是北山燕居片瓦

尺椽幻出醴泉舊觀休憚無麪做餅尚能敲空作聲爲
凝香主人肯來不妨奇特把圓悟禪師拈出方見神通

長翁請疏

大丈夫漢殺活祇用一機不思議心行藏初非兩轍要
看接人方便自有本色住持惟某公阿師密護象教而
乾明禪刹久墮劫灰道繫我以卷舒法因人而輕重長
翁老子率爾有請凝香大士欣然特招說苦譚空定能
鞭石流血課無作有不妨剗手駕鵬從來白月流天會
使黃金布地鋒藏掣電一分付於瓣香節近流虹徑祝

延於睿筭
青詞

天申節醮筵青詞

皇天開治世之符篤生元后率土祝聖人之壽咸罄丹衷爰因載夙之辰虔致由中之請竊惟好生惡殺兩儀之妙造寢兵措刑一人之極功洪惟太上之施仁默與化工而合德必得其壽自然睿筭之川增知慕其君猶冀皇穹之桴應恭陳淨供寅奉高真金龍玉簡肅若前陳風馬雲車庶其來下伏願翊扶國步保右聖躬申

命用休固億萬年之基業降年有永閱八千歲之春秋

又

帝齡有未初何假於致祈天道無私亦自然而善應敢殫悃悞仰瀆高明竊惟世道交泰之時神聖無爲于上寶圖晏粲輦泰山而四維國祚延洪美神策於億載其治有如此者非天其孰相之邇者有陰寒愆伏之虞亦洞識扶持全安之念蓋穹昊眷皇家之意不替益隆然臣子報君父之心有加無已卽王正之初望延僊馭之真游祈鑒丹衷俯臨淨供恭惟九清默佑萬福無疆龍

樓觀物外之天鶴駕駐壺中之日聖以益聖僊椿不老
以長芳新而又新玉冊屢書而未艾永依道蔭供戴君尊

薦兄青詞

天倫之痛中有切於肺肝帝意可通敏或逾於桴鼓輒
伸控扣仰冀哀憐伏念臣賦性冥頑受生么麼始其多
難遽違膝下之慈晚則苟全獨賴友于之義禍倏延於
伯氏釁實自於臣躬鴻鴈作行莫遂白頭之願脊令分
影空纏黃壤之悲念俛仰成幽明之殊惟薦嚴有超昇
之助陳醮筵而寅奉丐僊馭之來臨恭願至仁俯推宏

貸察臣心手足之至愛矜亡者夢幻之短生許以讎除
振其沉滯蠅營濁世洗歷劫之積愆蟬蛻幽扃證高真
之淨果志斯永畢他敢有所

青詞

妙道無方虛而應物含生多釁痛則呼天適元命之再
臨仰層霄而有請伏念臣賦資甚陋涉世多虞什一自
營幸資身而粗足晨昏色養冀將父以爲懽而父某粵
自中年遽纏末疾不良步履歎殘息之僅存居惟呻呼
悼餘生之靡樂砭劑莫收於寸效冤愆恐自於宿因敢

江浦長翁文集卷之二十九
罄潔蠲用伸祈控念痿者之不忘起痛極熏心然至誠
之無不通法先思過恭卽上元之夕肆嚴清醮之科伏
願帝眷不違仙真俯降許其懺謝錫以寧康起廢鍼育
夢倏亡於二豎肉骨生死仇未絕於三彭全功有遇於
良醫陰佑實憑於司命含飴晚景虔奉親闈負米此生
庶共子職誓依真教漸絕妄緣

閩上醮青詞

人生實難有戾考終之命天鑒不遠仰資宏貸之仁輒
罄哀誠庶幾昭格號爲澤國繫此郵城衆流合以西來

濟爲運瀆數板扃而中峙匯作濤淵雖云通濟以利人
或致顛躋而就死流屍不返徒燐火之陰沉主祭謂何
望鄉粉而夜哭浮魂滯魄怨死如生兵火而來纔五十
年姓名可舉幾七十輩分爲魑魅牽引朋儕積釁所加
旣天年之中斷餘殃旁及貽鬼責之何窮靜惟真科可
拯幽趣肆恭陳於醮席用虔奉於僊真披瀝丹衷懇投
洪造仰祈慈憫哀彼沉淪道塵旁滋釋多生之寃對法
橋安濟脫衆苦以超昇繼今行者之經從無復向來之
橫天所斲生齒同我壽康

真武醮青詞

大聲疾呼脫姓名於鬼錄回生起死荷況施於天神敢
罄丹衷用伸昭報伏念臣賦資不腆涉世多艱雖居侯
伯之家未憂凍餒比苦陰陽之寇良近阡危恐壽命之
不長致君親之莫報輒瀝由中之請冀憑陰騭之功念
真聖稟水位之精而妙力度人間之厄嘗殫控扣竟免
顛冥是卽私居恭陳淨供伏願憫么微多難之質推救
護羣品之仁延以壽齡蠲其疾疚居育之上膏之下儻
不天於天年無幽不察願不成誓未依於道蔭

祈雨青詞

邦家先務莫重農功草芥賤臣冀通帝眷敢伸控扣用
瀆高明粵自長贏屆辰旱暵爲虐禱祠莫效比屋感然
呻呼饑饉爲虞九重爲之盱食仰測天心之見異得非
吏治之奸和默訟愆尤不遑夙夜茲恭陳於醮席庸欽
奉於仙真察其思過之誠賜以有秋之氣挽回和氣霈
爲三日之霖播在頌聲馴致九年之積上資道蔭滿尉
宸衷

太一醮青詞

江浦長翁文集卷之三十一
黔首望歲如痿者之念行貴神在天豈恣然而無意憑
仙科而申控斬帝眷之仰通長夏已窮常暘未究翹雲
霓之望益挺流金焦土之災走仙佛之居未諒撫心籲
天之懇跼踣萬室歎愁一詞至若九重之憂勞幾於六
事之自責况惟委質尤切熏心仰十神之常居統一氣
之妙造恭羞淨供寅奉真遊伏願啓乃帝衷霈一雨均
霑之惠畢茲稼事全九清善貸之功無待毛澤盡而人
力窮要俾民心悅而天意解上寬宵旰俯逮困窮

又

道妙無方虛而應物民勞已甚窮則呼天載殫螻蟻之
誠未獲桴鼓之應伏念臣肅持使節兼綰郡符民之宅
生所臨八州雨不潤物亦旣兩月比屋起凶年之歎九
重躬旰食之憂是責有歸非臣誰任四走羣望曾神聽
之莫聞三羞秘科冀帝衷之俯鑒惟天極常居之貴總
化工密運之權已薦潔蠲猶稽感格伏願少霽威怒挽
回泰和敷大德以好生許下臣之思過霈為膏雨自三
日以為霖拯此疲民尚一人之有慶誓棲心於妙教肩
事上之精忠

祈雨青詞

驕陽爲沴民且倒垂大德好生天不庸釋茲布由中之
懇仰祈宏貸之私伏念臣持節以來分臺而治所臨八
郡覲舉絕歎愁之聲上奉一人庶不孤付託之意屬茲
早暵甚害農功多稼在田槁乾無幾至仁當饋惕厲靡
遑自長夏以迄秋猶常暘之肆孽豐凶可卜弗違數日
之間凍餒是虞盍動九清之聽卽琳宮而謁款冀飈馭
以來臨伏願少霽威嚴俯憐哀籲鑒聖主畏天之已至
察生民跼地之可矜挽回至和霈作甘澤立蘇焦卷俾
迎中熟之祥坐息流移咸享安居之樂誓堅精白用答
生成

上元青詞

千里安安一被施生之賜三元上吉載遵禳報之科吳
門大邦聖世樂土農功勸課歲獲豐穰民氣協和物無
疵癘敬涓穀旦仰答洪私本仙律以羞崇必真遊之眷
顧俾鑿井飲耕田食咸樂生經凡普天下率土濱同躋
壽域物情攸屬天聽孔卑

薦嫂醮青詞

促促短生悼幽明之永隔茫茫洪造知感格之非難輒
攄不腆之辭仰扣蓋高之聽伏念臣稟生寡祐涉世多
虞粵自孩提已無怙恃念衰宗之靡託惟丘嫂之是憑
險阻艱難盡出提攜之力出入顧復幾侔生育之恩門
戶之寄不替於祖風娣姒相與咸儀於婦德淑諸三族
胡不百年生久臥於沉痾沒不登於中壽興言及此流
涕無從然念備更險夷務生經之爲急居積釁咎慮鬼
責之或加是用虔奉醮科仰延真馭冀動九清之鑒俯
矜五陋之軀許以懺除恕其膏昧法橋安濟脫怖畏於
泉扃道陰具依趣清涼之仙界茲焉伸控它敢有所

女就蓐設醮青詞

忽然爲人女子莫危於就乳虛而應物天心不外於好
生竭悃款以叫闈獲感通而如響敢酬夙素用黷高明
伏念臣生理么微族緒單蹇屬由天稟視女有甚於愛
男憂與喜并舉子當臨於就蓐呻呼可念副坼爲虞方
踟天踏地之時瀝血誠而有請暨起死回生之後豈精
意之敢忘恭設醮科冀延真馭金龍玉簡庶幾賤婦之
動天風馬雲車亦許傾葵之向日欣然來下監此微誠

寸心聊效於涓埃默饗諒同於桴鼓志斯未畢它敢有
 祈之難志恭結齋沐冀或真融金請玉簡其幾幾
 國天祖既之報稱無疆而南極對以以回主之
 國天祖既之報稱無疆而南極對以以回主之
 國天祖既之報稱無疆而南極對以以回主之
 國天祖既之報稱無疆而南極對以以回主之
 國天祖既之報稱無疆而南極對以以回主之
 國天祖既之報稱無疆而南極對以以回主之
 國天祖既之報稱無疆而南極對以以回主之
 國天祖既之報稱無疆而南極對以以回主之
 國天祖既之報稱無疆而南極對以以回主之
 國天祖既之報稱無疆而南極對以以回主之

江湖長翁文集卷之三十九終

致語

天申節致語

神策告符介親齡於八袞電樞表慶衍聖壽於萬年藹
 佳氣之鬱葱翕輿情而呼舞 元功天運盛德日新躬
 攬權綱奄神器而再造堵安區域如泰山而四維武庫
 縶弓靈臺偃伯垂裳三紀黃屋非帝堯之心脫屣萬機
 赤水訪有熊之道範圍一化糠粃百王揭日月而行寶
 冊嚴號榮之奉偕乾坤之久玉卮介戩穀之新屬當夢

江漢長翁文集卷之四十一
日之期均錫需雲之燕旣醉之備五福况如建德之游
難老而彫三光咸罄華封之祝某等云云
遐想雲璈奏未央璇輿金籙慶生商九光霞裏停僊仗
萬歲聲中奉帝觴天上擗麟供樂事人間舞鳳侈恩光
小臣願效華封祝試頌靈椿壽聖皇

對廳

電繞虹流式紀生商之旦鴛羣鷺序均霑燕鎬之恩羃
佳氣於堂皇沸歡聲於絲竹恭惟某官璇源襲慶玉壘
分符亟沉榆塞之烽復最甘泉之課詩價萬選家傳賀

白之文章帝闈九重屏記龔黃之姓字人近晉卿之冬
日訟銷京兆之鈿笏森畫戟而凝清香居惟多暇入黃
扉而升紫闥其始于今適偕聯事之羣英共醉鈞天之
廣樂某等云云
黃堂綠影轉槐龍錦繡圍中度好風珠履相輝人峙玉
金罍更勸酒如空逢辰正自千齡會勝日何妨一醉同
來歲從公話今日鈞天應遙未央宮

賀王母致語

渚虹告符萬世特遇大聖神筴錫羨非天私我有邦言

江漢長翁文集卷之四十一
辭少廣之居來獻長生之籙恭惟睿聰稽古信順尚
賢挺謨斷以有爲武功底定闢乾坤而再造文德誕敷
偃伯靈臺沉烽邊瑣脫屣萬乘心偕造物而與之遊冠
德百王道長上古而不爲老備聖子神孫之色養新玉
卮寶冊之號榮長嬴紀夢日之祥中外效後天之祝翠
水雖弱水之隔駟青鳳以非遙僊人爲聖人而來獻碧
桃而敢後肆陳善頌用贊殊休丙度丁躔占一星而有
煥天覆地載綿萬祀以無疆於樂聖時可無口號
曾燕瑤池到世間祝堯今復馭青鸞衆真已送駢蕃瑞
萬國同瞻咫尺顏聖統有傳尊北極帝齡無盡等南山
兒家幾許蟠桃熟準擬年年薦露盤

對廳

嵩呼萬歲已欽祝於堯齡花覆千官復均歡於鎬燕歌
白雲而來下款黃堂而小畱恭惟某官僊府上才皇家
碩德韞通儒之業蚤收甲乙之科歌樂職之詩誕布中
和之政農桑千里襦袴一時綵服娛親居奉平反之笑
紫泥封詔佇歸清切之班儀鸞坡鳳掖以蜚英俾鷺序
鴛羣之連茹喜鈞天之分帝樂旣洽清歡雖弱水之隔

仙居來陳善頌可無口號用奉台顏
綠輿初下玉龜山小駐黃堂相府蓮上客居多天下士
主人況自地行僊九光霞裏聞譚笑三素雲中度管絃
來歲日邊桃薦碧帝觴應共醉鈞天

平江府天申節致語

地闢天開啓重熙之景運虹流電繞逢載夙之休辰孰
非建德之遊共上華封之祝 健符乾運中合離明把
握神機奄皇圖而再造輯寧大寶如泰山而四維道妙
莫名功成不有納虞舜於大麓蓋嘗與天爲徒訪蒲衣

於姑山豈曰以位爲樂傲睨物表真遊象先聖子神孫
儼天臨於備奉玉卮寶冊當歲講於稜容屬茲夢日之
期庸效後天之頌恭惟 心傳精一運繼聖明行曾閔
之所難若文武之共處躬撫皇業踵慶曆嘉祐之隆志
養慈闈奄大安興慶之禮奉帝觴於漢栢介親壽於莊
椿驩洽兩宮慶流九寓某等云云
擗麟侑酒紫皇家降乙開祥寶祚賒又見仙真奉瑤檢
從教日月數金沙星明丙極方呈瑞燕敞需雲共拜嘉
睿筭的知天與久大椿何必問南華

王母致語

祥開夢日喜切望雲南極星躔已見老人之瑞西方仙
窟敢安少廣之居按颺馭以小畱望宸廷而獻頌聰
明作后遁駿有聲載戢干戈享帝王不戰之福兼愛夷
夏儷祖宗勝殘之仁動則神謀靜惟淵默赤符啓運奠
神器於覆盂黃屋非心視天下如脫屣據位之貴爲天
子父體道之妙與造物游修身乃普乃豐得一以正大
德得名得位於萬斯年豈惟嵩嶽之三呼將見蟠桃之
再熟恭惟 繼堯接統法舜事親色難躬五日之朝備

奉極四海之富屬長日離明之旦慶慈闈震夙之期造
金殿以陳儀奉玉卮而介壽事光千古歡浹兩宮妾企
慕萃風雖曰隔三萬里之弱水祝延睿筭可不指八千
歲之大椿矯首皇居願陳口號

天仗凌晨拱未央君王親奉紫霞觴杜鳴當紀乾坤闢
筴授端知日月長爲祝堯齡辭翠水閑畱羲馭頓扶桑
兒家不上千秋鑒自摘蟠桃壽聖皇

通衢致語

仙佛瑤香已上萬年之祝君臣慶會旋羞九獻之儀雖

分侯服之區均拜帝觴之賜奔趨萬室誦詠一詞某官
學冠時髦道窺聖闕射宸廷之策諸公推荀况之文登
使者之車一旦展范滂之志清濁激揚御以儒術愷悌
慈祥今之吏師才用具宜身獨兼於三組政聲藹著名
已徹於九重倚須下芝檢於日邊卽看綴仙曹於雲際
屬生商之華旦爲燕鎬之主人都騎如雲旋指凝香之
地驪聲載路孰非誦德之民敢採公言上陳口號
清微風動萬年枝瑞紀流虹誕聖時天上玉卮山比壽
侯邦錦席酒如池滿城淑氣生英蕩夾道驪聲度綵旗
來歲望公天仗側尚應回首記吳兒

趙守燕王漕致語

煙霏夕霽已瞻漢使之星色笑春溫復近晉卿之日爰
追勝踐有秩初筵答吐俗之具依翕謹謠之載路恭惟
某官爽邦哲輔名世鉅儒汲直素風肅具臣而知畏樂
天麗句播異域以爭傳中裨宰席之嘉猷屢上計臺之
最課席前賈傅佇還清切之班轡攬范滂再展按澄之
志屬城畏愛百吏傾瞻今者稽玉節於脩塗踵文游之
故事迂臨觴豆用尉吏民某官麟趾標奇熊轡效職昔

孺今袴騰萬口之驩呼賣劍買牛勤三時之勸課屬行
臺之按轡駐支郡以放春喜同千里之民共敘二天之
庇壺天動色錦席增輝藹香霧於簾旌泛光風於譚塵
金壘玉竿不妨舉白以更酬黿禁鳳池行看汗青之儷
美某云云
二天依德幸吾州四牡徐驅得小畱勝日非煙浮綺席
異時盛事繼文游春還蓓蕾生譚笑香泛叵羅賸獻酬
來歲鳳池雙立玉應從丹地話秦郵

來歲鹿鳴宴致語

以次因并新次

七

三百二十九

鶚牘登名庸餞觀光之客鹿鳴侑酒式將勸駕之誠挽
春意於壺天圍香風於錦席初筵有秩樂事可涯恭惟
某官名世鉅儒爽邦哲輔陳陳曾次富人間未見之書
表表朝端罄古者格心之業帝眷股肱之郡時須心腹
之臣布條教之尚新翕歌謠之載路刺史承流宣化俾
里閭均躋域之仁上臣事君以人必俊造首克庭之賦
惟姑蘇之名郡據浙水之上游物阜民蕃地靈人傑文
風比屋尚白樂天韋應物之餘名教百年儼范文正胡
安定之舊雖再占褒然之選方競蜚作者之聲矧海潮

尚過於維亭而魁宿未離於吳分佇異人之輩出副明
詔之芻求諸省元杞梓國材珪璋廟器萬軸飽藏於腹
筭一第視摘於領髭志嘉會之功名傾當年之意氣穿
天心而擣藻棘園已壓於諸儒培風背以論程桂籍行
題於千佛肇賢侯之續食侈芳宴以盍簪紅袖回環淥
樽泛豔德星初聚密聯使者之星愛日焉依旋指長安
之日萃一時之盛事佐羣雋之壯圖正此均歡豈應惜
醉某等云云

黃堂賓宴霧香浮峙玉時髦得意秋莊海長風吹怒翼

禹門驚浪化吞舟黃生眉宇看輝映淥漲瑤盃贖獻酬
來歲歸時君記取恩袍成行擁龍頭

石湖生日致語

槐籠非霧紀楚客之庚寅椿演遐年笑絳人之甲子方
夏日薰風之可愛况良辰樂事之遂并有秩初筵將陳
善頌某官才挺王佐德優帝師聖神倚注於謀謨夷夏
想聞於風采挈提道統退之得孟氏之傳秉執國鈞晉
公乃汾陽之比不待年華之老去徑收朝蹟以歸來寧
鳥獸之亂行幾漁樵之爭席久矣斷日邊之夢條然作

地行之仙燕坐垂車人間著小有之洞時登天鏡物外
訪無何之鄉儒墨兩忘古今一呖宿痾雪靜不寬沈約
之帶圍吟興風生已破後山之詩戒適周翰降神於崧
嶽正壽星映色於台符坐上團樂有春令之接影眼中
秀整森蘭玉之在庭斟瓊液以更酬駢雲璈之競奏脩
齡未艾爛醉何辭豈惟嗣魯侯難老之詩抑已受金母
長生之籙會逢薊子記金狄之摩抄更向麻姑話蓬萊
之清淺某等云云

壽筵高敞老仙家簾影中間五色霞碧酒舊須麟作脯

雕盤新薦棗如瓜玉壺縹緲非塵世金狄依稀記歲華
勝日年年欲醉帽鬢香長點吉雲花

神仙傳吉雲花
千歲開一枝

定海縣廳事落成致語

七夕

除聽政之地夏屋崇成盍同寮之簪佳辰小集載新偉
觀用肅初筵知縣優趙魏老而簡朴有餘領邾莒邦而
拙勤不補新收舊管苦百孔而千瘡上雨旁風幾一夕
而三徙有不得已而拔貧營建豈自意全而其事迄成
撫已猶驚向日抱壓焉之懼舉觴相屬今親賡勞者之
歌追揆策之云初信此歡之難得而况牽牛織女方河

江清長翁文集卷之四十一
九
畔之佳期綵舫珠樓紛樽前之雅戲受涼颺於南廡延
織月於西廂合鼓吹於兩番伊涼迭奏粲綺羅之雙列
笑語生香是爲四并猶重一醉嘉二三君子肯來偕酬
醉以忘勞閱五十歲華當有想風流而嗣響兒等云云
翬飛萃屋酒如池賓主風流况一時千杖敲春瓊竿滑
九霞搖晚舞衫傲輕颺泛座漂香遠織月窺人轉影遲
牛女多情應羨客瓜華適已罥珠絲

廳事落成致語

前以禱雨罷會中秋再作

供簿書之日課暇擇華居敞棟宇以翬飛遂償初願甚

欲舉落成之酒時方從愍旱之祠逮百穀之登場得一
樽之聚首知縣老猶沉於俗吏號盍拜於散人寧躬補
拙之勤不尚濟寬之猛苦官居之久弊冀廳事之一新
聽里詠塗歌之情方安朴直舉銖積寸累之計作意經
營功乃卽於優游民不聞於怨讟念規模創造之日皆
寮友贊佐之謀勢可支於百齡貧猶堪於一醉屬者棧
羊醜酒計日佳招端如澍雨慳風妨人行樂未辭故事
重舉佳辰風露中秋孰與初秋之蒸鬱里閭樂歲復無
望歲之憂虞按小鬟之新翻訪歸妓之前事豈獨延笑

江漢長翁文集卷之四十一
譚而卜夜抑將祛塵鄙以生春某等云云

向晚簾櫳上玉鈎縣人應指小瀛洲龍蘭煙外調宮羽
羅綺香中擁獻酬百祀規模新壯觀一時文武極風流
月明鼓吹煩重賦終恐清新媿少游

房州到任交倅事筵致語

斗城從仕綽有賢規樽酒邀歡尚餘春事寧四并之易
得幸一笑之與同交代一代吏師諸儒宗匠蟠曾籤軸
出月脇以摘華唾手桂枝近龍頭而中雋掉臂謝十洲
之客題輿觀九室之春周舉風規望素傾於諸彥弱翁

治行名已在於九重小稽入覲之行顧重交承之好通
判詩書玩意科第起家鷓影西來山郡平分於風月龜
章親授心期密奏於墳篋爰申樽俎之娛庸締金蘭之
契雖新舊官之胥晤祇副簡書然先後覺之相資孰非
民事某云云

平時風義等肩差况此周旋別乘衙湛淥徐傾卜夜酒
欵紅同挿殿春花成規燦備堪從事殊渥便蕃定拜嘉
爛醉長吟答佳致不妨賓主各詩家

到任交權州事筵致語

攝佩郡章復締後先之契備嚴燕豆游交款曲之歡欣
樂事之不違肅初筵而有秩交代吏能義槩交信諸臺
里詠塗歌遠周千里頃蕃星之一晦兼郡紱以雙紆佐
貳著稱碑手可捨皇甫湜顯幽交感麥舟迄濟石曼卿
郡付倅真建屋之旣惠洽民果添花之錦將隨鶚牘歸
覲龍顏嘉與遐邇之民同申攀戀之悃權郡不辭遠官
來繼芳塵盡承參輔之規模併授中和之條教官聯必
副豈越俎代庖云然軌躅善遵亦因雲灑潤之謂言勸
冲霄之駕共蜚介壽之觴階藥翻紅筆判花而有兆瑤
盃舉白山頽玉以何辭某等云云

假印侯封付繼承教條久已洽山城政成何異徵黃霸
日接寧惟拜水衡春酒入盃紅浪漲晚花薦座靚粧明
良辰便合同沉醉且置陽關疊後聲

待衆官致語

漂天涯之風梗同仕遐陬盍公外之朋簪庸追樂事適
夏日舒長之可愛况蘇天愷悌之焉依念同寮裨贊之
多而從事賢勞之久式陳嘉旨庸諭悰懷通判朝奉少
策足於儒科晚究心於吏事芹宮花縣偶不致於曠瘠

江漢長翁文集卷之四十一
倅駕郡符茲併加於疲朽蟲負山而良懼身假翼以能
高幸仁賢此地之會逢故官府一時之振整傾肝瀝膽
迨無不盡之餘情補劓息黥用使苟安於厥職爰因多
暇聊共一歡文武寮契夙夜在公靖共爾位確持至正
之論能大所居之官率自吏良而政平底此塗歌而里
詠秋田茨委鬴食四以尚餘夏隴雲黃麥懷三而旣實
正用及時而行樂孰云須酒以消憂艷歌濃笑之前陳
譚塵吟戕之未憖風解愠而醒醉有不勝清露未晞而
詠歸徑當浮白某等聖朝末藝樂部下陳上承歡顏敢

獻韻語

公堂錦繡映簪紳不著人間一點塵地窄尚堪紅袖舉
情孚那復白頭新蔗漿玉醴壺天晚翠葢紅巾暑月春
况是山城無一事醉鄉賓主屬吾人

又

帝闕九關憑寸誠而昭達山城萬室歛一雨之滂流齋
壇實自於同寅歲事繼今而有望爰申燕喜庸滌憂勞
眷此房陵寔聯荆部民散居於巖險田僅列於下中頻
年多稼未見有餘十日不雨旋已告病矧今仲夏正當

江浦長翁文集卷之四十一
耕耨以瘞身未極亢陽已復怨咨之盈耳式借寮友虔
致禴禳商羊倏舞於中達旱魃遽沈於九地油然作霈
然下稼事有涯瘖而鳴痿而行人情可見眷爾俗春臺
之涵泳宜自公罇酒之招攜雲野臥黃定不憂於害馬
瑤觴漲淥當先酌於睡龍度涼吹於簾旌凝行雲於扇
影相與色笑喜雨有志于民孰爲主賓旣醉並受其福
某等名叨樂部躬奉玳筵敢寫歡心聿陳善頌
爐熏抽穗裏高寒列宿低光近醮壇夜屋忽驚簷溜響
曉畦旋放桔槔閑政須酬酢乘多暇况間憂虞取一歡

投轄孟公畱客意應拌月路醉扶還

喜雨燕致語

一雨應祈三農胥慶謳歌洋溢時和爰底於歲豐官府
靖問吏安實由於民樂已保無奪糈之慮庸少踐飲醇
之盟念官路之飄零同官曹於窮僻農功就緒終蓄積
之不餘稼事或愆豈怨咨之能免有底戾氣扇爲常暘
醮席龍壇再三懇禱西巖南洞萬一感通賴兩儀生物
之私拜三日爲霖之賜尚晚秧之可蒔况早稼之全收
人皆較新故之年穀當有倍蓰之獲靡愛牲靡不舉孰

江清長集卷之四十一
十四 三、四十二
云自古之徒然不曰旱不爲災當復大書而示後惟時
寮友從事崇雩動齋素之踰旬無奔馳之虛日迨茲如
願可後嘉招日轉槐陰此歡未艾月銜桂魄不醉無歸
某等謬廁樂工仰承燕豆敢陳口號上奉台顏爲常題
華筵楚楚爲誰開和氣融融逐雨回飲處借酬未央樂
旱餘新紀不爲災詩成肯放庭陰轉舞困何妨羯鼓催
聽取邦人歌笑地山城幾處不春臺安江公賦豐官刊

交割州事致語

心期所契寧惟甲子之同郡計與聞載穆墳篋之奏一

笑超形骸之表多儀肅樽俎之陳庸諗清歡可孤樂事
某官異才名世正學傳家相門綽有於典刑任版翁推
於模楷仁風義槩粲荆玉之無瑕朝譽民庸信陽春之
有脚推他日平反之手賡遐陬宣布之歌旋聞煖席之
初亟聽登臺之告清風八詠真俯視於隱侯平步三公
卽延登於黃霸通判朝奉並辭澤國來仕楚郊素懷事
賢友仁之私被借宣化承流之潤顧熊轡委重堅有過
陳雷之膠雖鶴髮相輝聯猶是岳湛之壁爰陳燕豆用
肅賓歡化國之日舒長矧茲樂土君子有酒多旨徑指

醉鄉桂香浮壁月之秋粧面炫冰壺之晝陪遨頭之賢

守猶詫獨醒後鯨背之仙人當無此樂某等仰承玳席

忝預伶官聊寫衷懷敢陳口號

一時律呂韻金絲用播中和樂職詩所喜玳筵重啓日

還當璧月再圓時

前月十日燕

伊涼聒夜鏗手杖蘭蕙回春

艷十眉明月酒醒還得句東遊夸與大堤兒

十四日宴來日往襄陽

宴新守致語

浙水淮山韶風期之不隔隼輿泥軾同山郡之來遊已

諧聯事之歡偶締合符之契佳哉樂事秩此初筵恭惟

判府寺正擢秀相門蜚英仕路筆端疊疊鄙時流纖艷

之文曾次陳陳儼祖武紅綸之業小謝承明之直暫分

刺史之符竹馬爭迎豈容暖席金鼇高步行復陞華通

判朝奉儒術起家州麾貳政典孫秦之後力追躡於典

形厠召杜之旁更平分於風月兼屬印章之授受可孤

樽俎之勸酬笑語生春倏雲頭之閣雨笙歌聒夜溢簾

額之漂香少答輿情共拌沉醉某等叨居樂籍仰奉綺

筵不揆疎蕪聊陳口號

相門賢裔聖門儒錦席葩羅慶合符天歛沉陰輸瑞靄

江浦長翁文集卷之四

月銜清影照冰壺鸞膠密應鏘金奏麟脯何妨薦玉腴
聞道山城觀盛事一時歌舞溢通衢

任滿交割倅事致語

題輿支郡聿觀條教之新設醴芳辰庸締子孫之契亶
爲勝踐有肅初筵某官高視時賢優繩祖武諸公鶚薦
手已種潘縣之花萬里鵬程符尚佐漢廷之竹仁聲所
暨春意交孚某官百舍效官二年撫俗塗歌里詠尚前
人不擾之風吏政民庸踵古者告新之義一樽於樂四
美云并妙舞清歌試新翻於北里嘉肴旨酒判聯步於

醉鄉某等云云

黃堂冰峙兩飛仙不遣纖塵到繡筵龍麝香中揮玉麈
蕙蘭叢裏醕金舫卽今別乘符初合佇看丹墀壁再聯
來歲涼颼生殿閣帝觴同捧聽鈞天

任滿交割郡事致語

擁州麾而承乏兩綬兼紆陳燕席以告新多儀再舉茂
惟勝日庸罄清歡某官輩古碩儒鍾天間氣皇朝勳業
之裔綽有典刑聖世功名之躔佇光彝鼎小稽賢業俯
佐郡符某官臭味不殊交承連好教條攸領寧惟風月

江漢長翁文集卷之四十一
三百五十九
之平分意氣所傾共看墳麓之合奏敞南風之館宇倒
北海之樽罍涼溢簾旌香生談麈舉觴交命未容舞困
以歌闌倒載言歸更待河傾而月墮某等云云
星屏已喜一樽俱嗣啓芳筵合郡符裊裊細香生玉醴
颼颼涼吹度冰壺錦紋眩旋明回雪雲影依微覓貫珠
乘醉言分當卜夜火城璧月共通衢

燕鄉守致語

枉賢侯之駕下逮幽人泛上巳之觴庸修故事允謂一
時之盛不難四者之并有侈初筵增光前載某官清朝

棟榦綠髮神仙聯肺附於九重蘊曾奇於千古褰帷問
俗暫放漢殿之詔條補袞致君行厠舜廷之元凱而德
若不足勢忘自尊回軒畧席戶之卑適館篤緇衣之好
肯迂千騎俯共一樽追洛水之風流繼永和之觴詠參
議朝散須次儉幕燕居鄭鄉功名若將浼焉棋酒有足
樂者不累不屈仲元居夷惠之間載欣載奔陶翁竟羲
黃之上况事賢之有素茲成室之云初屈二千石之嚴
威爲七十翁而迂步挹光風之轉蕙俯流水以秉蘭擘
會稽之吟箋未妨卜夜歆庾凱之醉幘正用疇春某等

江漢長翁文集卷之四十一
三百四十五
叨備伶倫喜承燕衍敢陳口號聊佐清歡

胡床玉塵錦囊詩賓主風流此一時玳席邀歡酬令節
羽觴湛碧轉微漪綺羅圍外香風遠絃管聲中漏刻遲
莫道蘭亭已陳迹勝遊端復嗣芳規

上梁文

懷莒堂上梁文

上過秦之論起殿官曹營懷莒之堂歸編戶籍蠶三眠
而欲繭鶴千載以還家小寬勃磈敢謂輪奐長翁老子
爲儒甚晚與世無堪闕罷亞之供耕羨匏瓠之有處局

栖龍具動捋虎鬚服原夫塗抹之勞策名科甲耐窮鬼
擲揄之辱妄意事功俯仰桔槔漂零萍梗名韁利鎖悟
大塊勞我以生酒會文期蓋作吏此事便廢幸收晚節
歸託故棲苟祿無庸仕不偕於吾雉受厘得所賦劣綴
於下梟草草創五十楹董董著四百指小酬左飡右粥
之願亦息上雨傍風之嗟高臥北窻辦長日搜詩之課
徐行南陌試平生種樹之書夫何求哉不啻足矣可無
著語用諗陞梁行且落成聊茲善頌
拋梁東煥燿魏譙鼓角雄千騎肯來觀水薤府公真有

古人風

拋梁南橫前江影曉涵涵端復與翁供藻思老來吟興

尚驂驪

拋梁西湖天千頃瑩玻璃亦想龍公歡喜甚明珠昨夜

吐晴霓

拋梁北滿眼齊州舊封域有斧無柯古到今輪囷空蘊

平戎策

拋梁上依稀太一低仙仗爐香知我正繙經不妨借與

青藜杖

拋梁下婦織兒耘有餘暇但令泛盎無闕供長與比鄰

詠多稼

伏願上梁之後享不危之安駢無禍之福詩書壽脉有

跨竈之佳兒棋酒歡情無罵座之惡客容散人於盛世

全樂事於暮塗

定海縣廳事上梁文

古縣修營務先所急輿情悅向功奏不遲免覆壓之爲

虞欵觀瞻之有偉知縣生涯鐵硯老境銅章撫黃童白

叟之愚視如族屬用柱後惠文之事御以聖經暨閱再

江浦長翁文集卷之四十一
荆大孚衆意豈止賦輸之粗辦抑惟號召之樂從念墻
宇之傾摧坐貨財之窘匱積六十三年之久置莫任樸
斲之勞歷二三十政之餘率苟度歲月而去第惴惴而
引日居礫礫而有聲雖云東柱以西撐曷救上漏而下
濕豈容老朽復避嫌疑思蠱飭於弊端姑鼎新於廳事
規模素定纔煩願旨之勤材用畢臻翁見子來之助今
倡興於大役餘有俟於後賢片丸尺椽初不形於嗟怨
震風凌雨當未沫於帡幪尚來者之興懷冀嗣茲而有
作爰差勝泪肇舉脩梁敢采公言用陳善頌

拋梁東蓬瀛珠闕貝爲宮僊曹集處應迴首定指塵勞
笑此翁

拋梁南山影江光映蔚藍喚渡行人逢野老應收拙政
人叢談

拋梁西水夾田疇一帶齊他日地毛龜拆處如今翠羽
望中迷

拋梁北後海風停湛平碧天驕不敢望南天萬竈煙青
旗影直

拋梁上楚氛盡掃瞻清曠日馭舒遲黃道明太平未信

真無象

拋梁下民區富樂宮多暇比櫛困倉驗屢豐連薨絃誦
知皇化

伏願上梁之後民情安妥縣計豐滋絃奏武城庸務本
原之政人遊建德指須富庶之期俾他日華黍詩靡容
專美庶將來循吏傳一無愧辭是所謂吉無不利樂不
可支

激犒庫上梁文

郵郡要衝城陰都會積年蠱弊謾餘酤肆之虛名千柱

鼎新修駭市區之壯觀收功有自爲計無窮某官悃悞

無萃撫綏多暇中和布政挽昇平氣象之回風夜究心

盡經久公私之利驩謠載路朽蠹一新麗譙雄郡圃之

西已千雲而竝立酒市壓城闔之北復不日以崇成庸

浚利源以寬民力塗歌里詠不知畚築之勞動坐賈行

商咸歎規模之巨麗是爲創見高掩前聞儻繼加增葺

之功則未爲裕足之本豈徒醉鄉千里之地建德一時

之民將龜日以落成茲虹梁之肇舉可無善頌用紀公

言

拋梁東日氣蒸曉碧海中聞道羣仙輕一醉得無笙鶴
下蓬宮
拋梁南萬井笙簫瑞色涵白塔丹霞霄漢上炯然金碧
屹相參
拋梁西天外重湖天與低波底睡龍應矯首爲翻明月
吐晴霓
拋梁北路轉邗溝千古碧邊風不遣一塵蜚信節年年
馳使客
拋梁上鴈天雲路饒清曠把杯當有謫仙人昂首高吟

企仙仗

拋梁下請駐香車羈寶馬未妨醉臥月明中生世清歡
本無價

伏願上梁之後連薨佚樂百貨阜通飲醇而相漢家尚
冀曹裝之小駐飽德而器君子庶幾周頌之嗣聞嘉與
民編共陶德政

臨澤常住院上梁文

精藍益煥祕殿鼎新抗鳳嶺以孤鶩一踵昇平之巨麗
屹鸞峯之幻出四傾有衆之瞻依境勝左方寺標常住

自天嘉儀同真心捨宅肇基安衆之區若給孤大士隨
喜布金首壯乞靈之地頃嗟寶刹倏墮劫灰纏淨界之
妖氛鞠福田之茂草邇遐萬井悲喟一辭彼上人幾年
服勞夫檀越一力喜捨什百有千萬之積輪奐起汗埤
之餘侈皇宋之椿齡祝延有在遙釋迦之麈座竭蹶
以趨凡屬見聞肆同饒益迄今龜日爰上虹梁欲寫歡
心可無善頌

拋梁東靄雲泛日曉曠曠遙知鶴背三山客奔鶩從來
獻寶宮

拋梁南吳山越嶠儼相攙參差影落清溪底千丈奔虬
臥蔚藍

拋梁西未多少廣與天齊竺乾教法宏金地端爲含靈
待指迷

拋梁北昌期偃伯邊烽息少待氊裘渭上朝更須椽筆
燕然勒回數語之幾

梁上黃道非煙儼僊仗天人闖首梵筵尊天風便旋

比漾

小下麦浪搖搖覆平野佛慈帝力共難名試聽康衢

者

上梁之後象教興行龜圖昌熾續佛受命正法眼
藏之普傳為國焚修太平君子之假樂十齡沐慶元之
化一武同建德之遊

江湖長翁文集卷之四十終



新刻



印



